



詩紀卷之七十二

梁九

沈約

字休文吳興武康人朱泰始中蔡興宗引為安西記室叅軍入齊為太子家令累遷

吏部郎出為東陽太守明帝徵為五兵尚書及梁武受禪以佐命功除僕射歷尚書令侍

中封建昌侯加特進卒謚曰隱○詩品曰觀

休文製五言最優詳其文體察其餘論固知其憲章鮑明遠也所以不閑于經綸而長于

清怨永明相王愛文王元長等皆宗附之約於時謝朓未適江淹才盡范雲名級故微故

約稱獨步雖文不至其工麗亦一時之選也見重閭里誦詠成音噤謂約所著既多今剪

除涇雜收其精要允為中品之第矣故當詞密於范意淺於江也

樂府

日出東南隅行

以下
五言

朝日出邳鄆照我叢臺端中有傾城豔顧景織羅
紈延軀似織約遺視若回瀾瑤妝映層綺金服炫
彫樂幸有同匡好西仕服秦官寶劍垂玉貝汗馬
飾金鞍縈場類轉雪逸控寫一作騰鸞羅衣夕解
帶玉釵暮垂冠

昭君辭

朝發披香殿夕濟汾陰河於茲懷九逝自此歛雙

蛾沾妝疑湛露繞臆狀流波日見奔沙起稍覺轉
蓬多胡風犯肌骨非直傷綺羅銜涕試南望關山
鬱嗟峨始作陽春曲終成苦寒歌唯有三五夜明
月暫經過

長歌行

連連舟壑改微微市朝變來功嗣往迹莫武徂升
彥局塗頓遠策留懽恨奔箭拊戚狀驚瀾循休擬
回電歲去芳願違年來苦心薦春貌既移紅秋林
豈停禱一倍茂陵道寧思栢梁宴長戢兔園情永

別金華殿聲微無惑簡丹青有餘絢幽籥且未調
無使長歌倦

同前

春隰黃綠柳寒墀積皓雪依依往紀盈霏霏來思
結思結纏歲宴曾是掩初節初節曾不掩浮榮逐
弦缺弦缺更圓合浮榮永沉滅色隨夏蓮變態與
秋霜耄道迫無異期賢愚有同絕銜恨豈云忘天
道無甄別功名識所職竹帛尋摧裂生外苟難尋
坐爲長歎設

君子行

良御惑燕楚妙察亂澠淄隄傾由漏壞垣隙自危
基囂途或妄踐黨議勿輕持

從軍行

惜哉征夫子憂恨良獨多浮天出鯁海束馬渡交
河雪縈九折磴風卷萬里波維舟無夕島秣驥乏
平莎凌濤富驚沫援木闕垂蘿江颺鳴壘嶼流雲
照層阿玄埃晦朔馬白日照吳戈寢興動征怨寤
寐起還歌晨裝豈輟警夕壘詎淹和苦哉遠征人

悲矣將如何樂豈辨管父壘喧喧苦若此
豫章行
燕陵平而遠易河清且駛一見塵波阻臨途引征
思雙劍愛匣同孤鸞悲影異宴言誠易纂清歌信
難嗣臥聞夕鍾急坐閱朝光亟往歡墜壯心來戚
滿衰志徂芳無再馥淪灰定還熾夏臺尚可忘榮
辱亦奚事愧微曠士節徒感鄙生餌勞哉納辰和
地遠託聲寄

相逢狹路間

相逢洛陽道繫聲流水車路逢輕薄子竚立問君
家君家誠易知易知復易憶龍馬滿街衢飛蓋交
門側大子萬戶侯中子飛而食小子始從官朝夕
溫省直三子俱入門赫奕多羽翼若若青組紆煙
煙金璫色大婦遶梁歌中婦迴文織小婦獨無事
閉戶聊且卽綠綺試一彈玄鶴方鼓翼

長安有狹斜行

青槐金陵陌丹轂貴遊士方駿萬乘臣炫服千金
子咸陽不足稱臨淄孰能擬

三婦豔

大婦掃玉墀中婦結羅幃小婦獨無事對鏡畫蛾眉良人且安臥夜長方自私

江離生幽渚

一作塘上行

澤蘭被荒徑孤芳豈自通幸逢瑤池曠得與金芝叢朝承紫臺露夕潤綠池風旣美修嫵女復悅繁華童夙昔玉霜滿旦暮翠條空葉飄儲胥右芳歇露寒東紀化尚盈曷俗志信積隆財殫交易絕華落愛難終所惜改驩眄豈恨逐征蓬願回昭陽景

持照長門宮

却出東西門行

驅馬城西阿遙眺望京闕望極煙原盡地遠山河沒搖裝非短晨還歌豈明發修服悵邊羈瞻途眇鄉謁馳蓋轉徂龍回星引奔月樂去哀鏡滿悲來壯心歇歲華委徂貌年霜移暮髮晨物久侵宴一作征思坐淪越清氛掩行夢憂原盪瀛渤一念起

關山千里顧丘窟

鏡疑作境

水寒

飲馬長城窟

介馬渡龍堆
塗縈馬屢迴
前訪昌海驛
雜種寇輪臺
旌幕卷煙雨
徒御犯冰埃

青青河畔草

漠漠牀上塵
心中憶故人
故人不可憶
中夜長歎息
歎息想容儀
不言長別離
別離稍已久
空牀寄杯酒

梁甫吟

龍駕有馳策
日御無停陰
星籥亟迴變
氣化坐盈侵
寒光稍耿耿
秋塞一作色日沉沉
高牕仄餘火
傾

河駕騰參飈
風折暮草驚

一作竿

賈層林時雲

集作

雨靄空遠淵水結
清深奔樞豈易紐
珠庭不可臨
懷仁每多意
履順孰能禁
露清一唯促
緩志且移

心哀歌步梁甫歎
絕有遺音

火大火心星也樞一作驅紐一作任

君子有所思行

晨策終南首
顧望咸陽川
戚里遡層闕
甲館負崇軒
複塗希紫閣
重臺擬望仙
巴姬幽蘭奏
鄭女陽春絃
共矜紅顏日
俱忘白髮年
寂寥茂陵宅
照曜未央蟬
無以五鼎盛
顧嗤三經玄

白馬篇

白馬紫金鞍停鑣過上蘭寄言狹斜子詎知隴道
難赤坂途三折龍堆路九盤水生肌裏冷風起骨
中寒功名志所急日暮不遑食長驅入右地輕舉
出樓蘭直去已垂涕寧可望長安匪期定遠封無
羨輕車官唯見恩義重豈覺衣裳單本持軀命荅
幸遇身名完

齊謳行

東秦稱右地川隰固夷昶層峰駕蒼雲濁河流素

壤青丘良杳鬱雪宮信踈敞王佐改殷命霸功繆

周網闕

前緩聲歌

羽人廣宵宴帳集瑤池東開霞泛彩靄澄霧迎香
風龍駕出黃苑帝服起河宮九疑輔煙雨三山馭
螭鴻玉鑿乃排月瑤輶信凌空神行燭玄漠帝旆
委曾虹簫歌羨羸女笙吹悅姬童瓊漿且未洽羽
轡已騰空息鳳曾城曲滅景清都中隆祐集皇代
委祚溢華嵩

芳樹

以下二首附謝朓集題云同
沈右率諸公賦鼓吹曲名

發萼九華隈
開跗寒露側
氤氲非一香
參差多異色
宿昔寒飈舉
摧殘不可識
霜雪交橫至
對之長歎息

臨高臺

高臺不可望
望遠使人愁
連山無斷絕
河水復悠悠
所思竟何在
洛陽南陌頭
可望不可見
何用人憂

洛陽道

洛陽大道中
佳麗實無比
燕裙傷日開
趙帶隨風靡
領上蒲萄繡
腰中合歡綺
佳人殊未來
薄暮空徙倚

江南曲

櫂歌發江潭
采蓮渡湘南
宜莫一作須閒隱處舟浦

計路嶄嶄

一作嶄嶄

東武吟行

天德深且曠
人世賤而浮
東枝纔拂景
西壑已停

言終
卷之九
八
輶逝辭金門寵去飲玉池流霄轡一永矣俗累從
此休

怨歌行

時屯寧易犯俗險信難群坎壈元淑賦頓挫敬通
文遽淪班姬寵夙窆賈生墳短俗同如此長歎何
足云

悲哉行

旅遊媚年春年春媚遊人徐光旦垂彩和露曉凝
津時嚶起稚葉蕙氣動初蘋一朝阻舊國萬里隔

良辰

雜曲三首

携手曲

捨轡下雕輅更衣捧玉牀斜簪映秋水開鏡比春
粧所畏紅顏促君恩不可長鷄冠且容裔豈吝桂
枝亾

有所思

西征登隴首東望不見家關樹抽紫葉塞草發青
芽昆明當欲滿蒲萄應作花垂淚對漢使因書寄

詩紀

卷之九
梁

七

狹斜
河漢縱且橫北斗橫復直星漢空如此寧知心有
憶孤燈暖不明寒機曉猶織零淚向誰道鷄鳴徒
歎息

北斗闌干去夜夜心獨傷月輝橫射枕燈光半隱
牀

釣竿

桂舟既容與綠浦復回紆輕絲動弱芰微楫起單

鳧扣舷忘日暮卒歲以為娛

臨碣石

碣石送返潮登朶禮朝日溟漲無端倪山島玄崇
崒驥老心未窮酌恩豈終畢

湘夫人

瀟湘風已息沅澧復安流揚蛾一含睇嫵娟好且
修捐玦置澧浦解珮寄中洲

貞女引

貞女信無矯傍隣也見疑輕生本非惜賤軀良足

言終 卷之九 十一
悲傳芳託嘉樹弦歌寄好詞

襄陽蹋銅蹄歌三首

一云白銅鞮歌

分手桃林岸送別峴山頭若欲寄音信漢水向東流

生長宛水上從事襄陽城一朝遇神武奮翼起先

鳴

蹠鞮飛塵起左右自生光男兒得富貴何必在歸

鄉

永明樂

聯翩貴遊子侈靡千金客華轂起飛塵珠履竟長

陌

江南弄四首

以下雜言

趙瑟曲

文苑英華作元帝今從樂府作沈約

邶鄆竒弄出文梓縈絃急調切流徵玄鶴徘徊白

雲起白雲起鬱披香離復合曲未央

秦箏曲

羅袖飄纒拂雕桐促柱高張散輕宮迎歌度舞遏歸風遏歸風止流月壽萬春歡無歇

言系
卷之九
陽春曲

楊柳垂地驚差池緘情忍思落容儀弦傷曲怨心
自知心自知人不見動羅裙拂珠殿

朝雲曲

陽臺氤氳多異色巫山高高上無極雲來雲去常
不息常不息夢來遊極萬世度千秋

樂未央

億舜日萬堯年詠湛露歌採蓮願雜百和氣宛轉
金鑪前

四時白紵歌五首 七言

古今樂錄曰沈約云白紵五章勅臣約造武帝造後兩句

春白紵

蘭葉參差桃半紅飛芳舞縠戲春風如嬌如怨狀
不同含笑流眄滿堂中翡翠群飛飛不息願在雲
間長比翼佩服瑤草駐容色舜日堯年歡無極

夏白紵

英華作梁武帝今從樂府作沈約

朱光灼爍照佳人含情送意遙相親嫣然一
轉亂心神非子之故欲誰因翡翠群飛飛不息願

言終
卷之九
十二
在雲間長比翼佩服瑤草駐容色舜日堯年歡無極

秋白紵

白露欲凝草已黃金瑄玉柱響洞房雙心一意俱
徊翔吐情寄君君莫忘翡翠群飛飛不息願在雲
間長比翼佩服瑤草駐容色舜日堯年歡無極

冬白紵

寒閨晝密羅幌垂婉容麗色心相知雙去雙還誓
不移長袖拂面爲君施翡翠群飛飛不息願在雲

間長比翼佩服瑤草駐容色舜日堯年歡無極

夜白紵

秦箏齊瑟燕趙女一朝得意心相許明月如規方
襲予夜長未央歌白紵翡翠群飛飛不息願在雲
間長比翼佩服瑤草駐容色舜日堯年歡無極

詩紀卷之七十二

終

詩紀卷之七十三

梁十

沈約二

詩

侍皇太子釋奠宴

以下四言

尊學尚矣道亦遐哉啓圖觀祕闢苑興才事高東
序義邁雲臺峩峩德傅灼灼英台復禮曲臺反樂
宣榭闕文內舉輜軒外駕結朋千里從師百舍墜
典必修闕祀咸薦廻鸞獻爵擬金委奠肆士辨儀

言
卷之十
胥人掌縣髣髴神蹤徘徊靈睭

爲南郡王侍皇太子釋奠宴二首

陵季相沿訓隨世殆政缺雅乖風漓化改禮亾在
席樂沉河海三雍靡構四教誰采瞻震並峻義屬
重麗橫書清道晦彼生知

義重師匡業貴虛受襄野順風西河杜帚表跡虧
光降情迴首道御百靈神行萬有尊學尚矣繼列
傳徽旗章或舛茲道莫違自堂及室異軫同歸洋
洋聖範楚楚儒衣

三日侍鳳光殿曲水宴應制

光遲蕙畝氣婉椒臺皇心愛矣帝曰遊哉玉鸞徐

鶩一作翠鳳輕迴別殿廣臨離宮洞啓川祗奉壽

河宗相禮清洛漸筵長伊流陞洄盪嘉羞搖漾芳
醴輕歌易繞弱舞難持素雲留管玄鶴停絲引思
爲歲歲亦陽止叨服賁身身亦昌止徒勤丹漆終
愧文梓

爲臨川王九日侍太子宴

涼風北起高鴈南翻葉浮楚水草折梁園淒涼霜

野惆悵晨鷗雲輕寒樹日麗秋原三金廣設六羽
高陳寒英始獻涼耐初醇靡靡神襟鏘鏘羣彥思
媚儲猷洽和奉宴恩暢蘭席歡同桂殿景遽樂推
臨風以眷麗景天枝位非德舉任伍辰階祚均河
楚負嶽未勝瞻雲難侶望古典惕心焉載佇

九日侍宴樂遊苑

憑玉宅海端宸御天止流飛壑靜震騰川凝神貫
一作極摘道漏泉西裘委衽南風在絃暮芝始綠
年桂初丹上林葉下滄池水寒霜霑玉樹鴈動輕

瀾停蹕玉陛徙衛璿墀瑀箱鳳綵羽蓋鸞姿虹旌
迢遞翠華歲蕤禮弘灞汭義高洛湄

從齊武帝瑯琊城講武應詔

以下
五言

九功播祧墀七德陳武懸展事昌國圖息兵由重
戰皇情咨閱典出車迨辰選飾徒映寒隰翻綏臨
廣甸颯沓佩吳戈參差腰夏箭風旆舒復卷雲霞
清以轉輕舞信徘徊前歌且遙衍秋原嘶代馬朱
光浮楚練虹壑寫飛文巖阿藻餘絢發震嶽靈從
揚旌水華變憑高訓武則中天起遐眷鳳蓋捲洪

河珠旗掃

集作拂

長汧方待翠華舉遠適瑤池宴

三日侍林光殿曲水宴應制

宴鎬鏘玉鑿遊汾舉仙輶榮光泛彩旄修風動芝
蓋淑氣婉登晨天行聳雲旆帳殿臨春籞帷宮繞
芳薈漸席周羽觴分墀引迴瀨穆穆玄化升濟濟
皇階泰將御遺風軫遠侍瑤臺會

侍宴樂遊苑餞呂僧珍應詔

丹浦非樂戰負重切君臨我皇秉至德忘已用堯
心愍茲區宇內魚鳥失飛沉推轂二嶠道揚旆九

河陰超乘盡三屬選士皆百金戎車出細柳餞席

遵

一作樽

上林命師誅後服授律緩前禽函轅方解

帶曉武稍披襟代罪芒山曲弔民伊水濤將陪告

成禮待此未抽簪

曉本集作曉

正陽堂宴勞凱旋

凱入同高宴飲至均多祜昔往歌采薇今來歡杖
杜善戰惟我皇勝之不窺戶推轂授神謨餘壯終
能賈浩湯金壘溢周流玉觴傳

遊鍾山詩應西陽王教

五章

靈山紀地德地險資嶽靈終南表秦觀少室邇王
城翠鳳翔淮海衿帶遶神垆北阜何其峻林薄杳

葱青

紀本集
作標

發地多竒嶺于雲非一狀合脊共隱天參差互相
望鬱律構丹巘峻嶒起青嶂勢隨九疑高氣與三
山壯
卽事旣多美臨眺殊復竒南瞻儲胥觀西望昆明
池山中咸可悅賞逐四時移春光發隴首秋風生
桂枝

多值息心侶結架山之足八解鳴澗流四禪隱巖
曲窈冥終不見蕭條無可欲所願從之遊寸心於
此足

君王挺逸趣羽旆臨崇基白雲隨玉趾青霞雜桂
旗淹留訪五藥顧步佇三芝於焉仰鑣駕歲暮以
爲期

登高望春

登高眺京洛街巷紛漠漠迴首望長安城闕鬱盤
桓日出照鈿黛風過動羅紈齊童躡朱履趙女揚

詩經 卷之十一 五
翠翰春風搖雜樹歲蕤綠且丹寶瑟玫瑰柱金羈
玳瑁鞍淹留宿下蔡置酒過上蘭解眉還復歛方
知巧笑難佳期空靡靡含睇未成歡嘉客不可見
因君寄長歎

遊金華山

遠策追夙心靈山協久要天倪臨紫闕地道通丹
竅未乘琴高鯉且縱嚴陵釣若蒙羽駕迎得奉金
書召高馳入閭闔方覩靈妃笑

劉

藝文
作留

真人東山還

連峰竟無已積翠遠微微寥戾野風急芸黃秋草
腓我來歲云暮於此悵懷歸霜雪方共下寧止露
霑衣待余兩岐秀去去掩柴扉

登玄暢樓

危峰帶北阜高頂出南岑中有陵風榭迴望川之
陰岸險每增減湍平互淺深水流本三派臺高乃
四臨上有離群客客有慕歸心落暉映長浦煥景
燭中潄雲生嶺乍黑日下溪半陰信美非吾土何
事不抽簪

言
酬謝宣城朓

集云調宣城朓臥疾

王喬飛鳧鳥東方金馬門從宦非宦侶避世作避

誼揆予發皇鑒

一作覽

短翮屢飛翻晨趨朝

一作游

建

禮晚沐臥郊園賓至下塵榻憂來命綠尊昔賢侔
時雨今守馥蘭蓀神交疲夢寐路遠隔思存牽拙
謬東汜浮情及西崑顧循良菲薄何以儷璵璠將
隨渤澥去刷羽汎清源

新安江至清淺深見底貽京邑遊好

眷言訪舟客茲川信可珍洞徹隨清淺皎鏡無冬

春千仞寫喬樹百丈見遊鱗滄浪有時濁清濟涸
無津豈若乘斯去俯映石磷磷紛吾隔囂滓寧假
濯衣巾願以潺湲水霑君纓上塵

送別友人

外編作任昉者非

君東我亦西銜悲涕如霰浮雲一南北何由展言
宴方作異鄉人贈子同心扇遙裔發海鴻連翻出
簷燕春秋更去來參差不相見

去東陽與吏民別

微薄叨今幸忝荷非昔期唐風豈異世欽明重在

言終 卷之十
茲歸驂去關輔分竹入河淇下車如昨日曳組忽
彌暮霜載凋秋草風三動春旗無以招臥轍寧望
後相思

早發定山

夙齡愛遠壑晚蒞見竒山標峰綵虹外置嶺白雲
間傾壁忽斜豎絕頂復孤圓歸海流漫漫出浦水
濺濺野棠開未落山櫻發欲然忘歸屬蘭社懷祿
寄芳筌眷言採三秀徘徊望九仙

循役朱方道路

分繻出帝京斗裝奉皇穆洞野屬滄溟聯郊遡河
服日映青丘島塵起邯鄲陸江移林岸微巖深煙
岫複歲嚴摧磴草午寒散嶠木榮蔚夕飈卷蹉跎
晚雲伏霞志非易從旌軀信難牧豈慕淄宮梧方
辭兔園竹羈心亦何言迷蹤庶能復

和竟陵王遊仙詩二首

王融范
雲同賦

天

一作
天

矯

一作
矯

乘絳仙螭衣方陸離玉鑿隱雲霧

溶溶紛上馳瑤臺風不息赤水正漣漪崢嶸玄圃

上聊攀瓊樹枝

詩經 卷之十一
朝止閭闔宮暮宴清都闕騰蓋隱一作擁奔星低鑿

避行月九疑紛相從虹旌乍升沒青鳥去復還高

唐雲不歇若萃有餘照淹留且晞髮

遊沈道士館

秦皇御宇宙漢帝恢武功歡娛人事盡情性猶未
克銳意三山上托慕九霄中既表祈年觀復立望
仙宮寧爲心好道直由意無窮曰余知止足是願
不須豐遇可淹留處便欲息微躬山嶂遠重疊竹
樹近蒙籠開襟濯寒水解帶臨清風所累非物外

爲念在玄空

一作蹤

朋來握石髓賓至駕輕鴻都令

人徑絕惟使雲路通一舉凌倒景無事適華嵩寄

言賞心客歲暮爾來同

酬華陽陶先生

見陶隱居傳

三清未可覲一氣且空存所願迴光景拯難拔危
魂若蒙丸丹贈豈懼六龍奔

還園宅奉酬華陽先生

早欲尋名山期待婚嫁畢二事雖云已此外復非
一忽聞龍圖至仍覩榮光溢副朝首八元開壤賦

言緒 卷之十
千室冠纓曾弗露風雨未嘗櫛鳴玉響洞門金蟬
映朝日慙無小人報徒叨令尹秩豈忘平生懷靡
盥不遑恤

華陽先生登樓不復下贈呈

側聞上士說尺木乃騰霄雲駢不展地仙居多麗
譙臥待三芝秀坐對百神朝銜書必青鳥佳客信
龍鑣非止靈桃實方見大椿凋

奉華陽王外兵

餐玉駐年齡吞霞反容質
眇識青丘樹迴見扶桑
日爛熳蜃雲舒嶽峯山海出

赤松澗

松子排煙去英靈眇難測
惟有清澗流潺湲終不息
神丹在茲化雲輶於此陟
願受金液方片言生羽翼
渴就華池飲饑向朝霞食
何時當來還延佇青巖側

八關齋

因戒倦輪飄習障從塵染
四衢道難闢八正扉猶掩
得理未易期失路方知險
迷塗旣已復豁悟非

言
卷之十
無漸

古意

挾瑟叢臺下
徙倚愛容光
佇立日已暮
戚戚苦人腸
露葵已堪摘
淇水未沾裳
錦衾無獨暖
羅衣空自香
明月雖外照
寧知心內傷

少年新婚爲之詠

山陰柳家女
薄言出田墅
丰容好姿顏
便僻巧言語
腰肢旣軟弱
衣服亦華楚
紅輪映早寒
畫扇迎初暑
錦履並花紋
繡帶同心苴
羅襦金薄厠
雲鬢

花釵舉我情已鬱
紆何用表崎嶇
託意眉間黛
申心口上朱
莫爭三春價
坐喪千金軀
盈尺青銅鏡
徑寸合浦珠
無因達往意
欲寄雙飛鳥
裾開見玉趾
衫薄映凝膚
羞言趙飛燕
笑殺秦羅敷
自顧雖悴薄
冠蓋曜城隅
高門列騶駕
廣路從驪駒
何慚鹿盧劍
詎減府中趨
還家問鄉里
詎堪特作夫
夢見美人

夜聞長歎息
知君心有憶
果自閨闔開
魂交覩顏

玉臺
作容

色旣薦巫山
枕又奉齊眉
食立望復橫
陳忽

詩已

梁

十一

言紀 卷之十
覺非在側那知神傷者潺湲淚沾臆

直學省愁臥

秋風吹廣陌蕭瑟入南闈愁人掩軒臥高牕時動
扉虛館清陰滿神宇曖微微網蟲垂戶織夕鳥傷
欄飛纓珮空爲忝江海事多違山中有桂樹歲暮
可言歸

休沐寄懷

雖云萬重嶺所覩終一作一丘壻幸自足安事
遠遨遊臨池清潏暑開幌望高秋園禽與時變蘭

根應節抽憑軒攀木末垂堂對水周紫籜開綠篠
白鳥映青疇艾葉彌南浦荷花遶北樓送日隱層
閣引月入輕幃爨熟寒蔬剪賓來春蟻浮來往旣
云勅光景爲誰留

宿東園

陳王鬪鷄道安仁採樵路東郊豈異昔聊可閒余
步野徑旣盤紆荒阡亦交互槿籬踈復密荆扉新
且故樹頂鳴風飈草根積霜露驚磨去不息征鳥
時相顧茅棟嘯愁鴟平岡走寒兔夕陰帶層阜長

言終
卷之十
煙引輕素飛光忽我道豈止歲云暮若蒙西山藥
頽齡倘能度

行園

見謝宣
城集

寒瓜方臥壠秋菰亦滿陂紫茄紛爛熳綠芋鬱參
差初菘向堪把時韭日離離高梨有繁實何減萬
年枝荒渠集野鴈安用昆明池

和左丞庾杲之病

歲暮豈云聊參差憂與疾匪澣孰能賜持身固無
述握蘭空盈把待漏終不溢囂喧滿眼前簿領紛
盈膝安用談天辯徒勞夢賜筆挂冠若東都山林
寧復出

和竟陵王抄書

教微因弛轡維峻屬貞期義乖良未遠斯文煥在
茲超河綜絕禮冠楚綴淪詩披滕辨蠹冊酌醴訪
深疑澄流黜往性泛略引前滋漢壁含遺篆名山
多逸詞綠編方委閣素簡日盈輜空幸參鴛鷺比
秀恧瓊芝挹流旣知廣復道還自嗤

奉和竟陵王郡縣名

王融范
雲同賦

西都富軒冕南宮溢才彥高闕連朱雉方渠漸游
殿廣川肆河濟長岑繞嶠汧曲梁濟危渚平臯騁
悠眇青淵皎澄澈曾山鬱葱蒨陽泉濯春藻陰丘
聚寒霰西華不可留東光促奔箭望都遊子懷臨
戎征馬倦旣豫平臺集復齒南皮宴一窺長安城
羞言杜陵掾

奉和竟陵王藥名

丹草秀朱翹重臺架危岳木蘭露易飲射干枝可
結陽隰採辛夷寒山望積雪玉泉亟周流雲華乍
明滅合歡葉暮捲爵林聲夜切垂景迫連桑思仙
慕雲埒荆實剖丹瓶龍芻汗奔血照握乃夜光盈
車非玉屑細柳空歲蕤水萍終委絕黃符若可挹
長生永昭哲

和陸慧曉百姓名

建都望淮海樹闕表衡稽井幹風雲出栢梁星漢
齊皇王臨萬宇惠化覃黔黎吉士服仁義宿昔秉
華圭庸賢起幽谷欽言非象犀端委康國步偃息
召邦攜舉政方分策易紀粲金泥伊余沐嘉幸由

是別園畦曾微消露答光景遂雲西方隨煉丹子
薄暮矯行迷

三月三日率爾成篇

麗日屬元巳年芳具在斯開花已匝樹流嚶復滿
枝洛陽繁華子長安輕薄兒東出千金堰西臨鴈
鶯陂遊絲應空轉高楊拂地垂綠幘文照耀紫燕
光陸離清晨戲伊水薄暮宿蘭池象筵鳴寶瑟金
瓶泛羽卮寧憶春蠶起日暮桑欲萎長袂屢已拂
彫胡方自炊愛而不可見宿昔減容儀且當忘情
去歎息獨何爲

織女贈牽牛

紅粧與明鏡二物本相親用持施點畫不照離居
人往秋雖一照一照復還塵塵生不復拂蓬首對
河津冬夜寒如此寧遽道陽春初商忽云至暫得
奉衣巾施衿已成故每聚忽如新

代牽牛答織女

王筠

新知與生別由來儻相值如何寸心中一宵懷
兩事歡娛未繾綣倏忽成離異終日遙相望祇

詩經 卷之十 十五
益生愁思猶想今春悲尚有故年淚忽遇長河
轉獨喜涼飈至奔精翊鳳軫織阿警龍轡

應王中丞思遠咏月

月華臨靜夜夜靜滅氛埃方暉竟戶入圓影隙中
來高樓切思婦西園遊上才網軒映珠一作綴應
門照綠苔洞房殊未曉清光信悠哉

和王中書德克詠白雲

白雲自帝鄉氛氲屢迴沒蔽虧崑山樹含吐瑤臺
月秋風西北起飄我過城闕城闕已參差白雲復
離離皎潔在天漢倒影入華池將過丹丘野時至
碧林垂九重迎飛燕萬里送翔螭

詠雪應令

思鳥聚寒蘆蒼雲軫暮色夜雪合且離曉風驚復
息嬋娟入綺牕徘徊鶩情極弱桂不勝枝輕飛屢
低翼玉山聊可望瑤池豈難卽

和劉雍州繪博山香爐

範金誠可則摛思必良工凝芳自朱燎先鑄首山
銅瓌姿信嶒嶸竒態實玲瓏峯磴互相拒巖岫杳

言終
卷之十
無窮赤松游其上歛足御輕鴻蛟螭盤其下驤首
眈層穹嶺側多奇樹或孤或複叢巖間有佚女垂
袂似含風翬飛若未已虎視鬱餘雄登山起重障
左右引絲桐百和清夜吐蘭煙四面克如彼崇朝
氣觸石繞華嵩

詠湖中鴈

白水滿春塘旅鴈每迴翔
唼流牽弱藻歛翮帶餘
霜群浮動輕浪單汎逐孤光
懸飛竟不下亂起未
成行刷羽同搖漾一舉還故鄉

冬節後至丞相第詣世子車中作

廉公失權勢門館有虛盈
貴賤猶如此況乃曲池
平高車塵未滅珠履故餘聲
賓階綠錢滿客位紫
苔生誰當九原上鬱鬱望佳城

奉和竟陵王經劉瓛墓

表間欽逸軌軾墓禮真覓化
淦終眇默神理暖猶
存塵經一作駕未輟幌高衡已委門
日蕪子雲舍徒

望董生園華陰無遺布楚席有靈樽
玄泉倘能慰長夜且勿論

悼亡 一作悼往

去秋三五月 今秋還照梁 一作房 今春蘭蕙草來春

復吐芳悲哉 人道異一謝永銷 亾簾屏既毀 撤 一作

屏筵空 帷席更施 張游塵掩虛座 孤帳覆空牀 萬

有設 事無不盡 徒令存者傷

詩紀卷之七十三 終

詩紀卷之七十四

梁十一

沈約 三

侍遊方山應詔

清漢夜昭哲 扶桑曉陸離 發歌縱陽下 一作發吹

建羽朝夕池 縱金浮水若聳蹕 詔山祗一霑 九霄

露藜藿終自知

樂將殫恩未已 應詔

淒鏘笙管 適參差 舞行亂 輕肩既屢舉 長巾亦徐

詩經
卷之十一
換雲鬢垂寶花輕粧染微汗羣臣醉又飽聖恩猶
未半

泛永康江

長枝萌紫葉清源泛綠苔山光浮水至春色犯寒
來臨睨信永矣望美曖悠哉寄言幽閨妾羅袖勿
空裁

餞謝文學離夜

漢池水如帶巫山雲似蓋潄汨背吳潮潺湲橫楚
瀨一望沮漳水寧思江海會以我徑寸心從君千

里外

別范安成

生平少年日分手易前期及爾同衰暮非復別離
時勿言一樽酒明日難重持夢中不識路何以慰
相思

效古

可憐桂樹枝單雄憶故雌歲暮異栖宿春至猶別
離山河隔長路路遠絕容儀豈云無可
玉臺作我匹寸
心終不移

庭雨應詔

出空寧可圖入庭倍難賦非煙復非雲如絲復如霧
霖霖裁欲垂霏微不能注雖無千金質聊爲一
辰趣

初春

夾一作道覓陽春相將共携手草色猶自腓林中
都未有無事逐梅花空教信楊柳且復共歸來含
情寄杯酒

春思

一作春詠

楊柳亂如絲綺羅不自持春草黃復綠客心傷此
時青苔已結洧碧水復盈淇日華照趙瑟風色動
燕姬襟前萬行淚故是一相思

傷春

弱草半抽黃輕條未全綠年芳被禁籞煙花繞層
曲寒苔卷復舒冬泉斷方續早花散凝金初露泫
成玉

秋夜

月落宵向分紫煙鬱氛氲暄暄螢入霧離離鴈度

言終
卷之十一
雲巴童闇理瑟漢女夜縫裙新知樂如是久要詎
相聞

詠箎

古文苑云沈右率
座賦二物爲詠

江南簫管地妙響發孫枝殷勤寄玉指含情舉復
垂雕梁再三繞輕塵四五移曲中有深意丹誠君
詎知

詠竹檳榔盤

附

梢風有勁質柔用道非一平織方以文穹成圓且
密薦羞雖百品所貴浮天實幸承歡醕餘寧辭嘉

宴畢

簷前竹

萌開籜已垂結葉始成枝繁蔭上蒼茸

一作鬱鬱

促節

下離離風動露滴瀝月照影參差得生君戶牖不
願夾華池

翫庭柳

玉臺作
詠柳

輕陰拂建章夾道連未央因風結復解霑露柔且
長楚妃思欲絕班女淚成行遊人未應去爲此還
故鄉

言
卷之十一
四
麥李

藝文作
詠李

青玉冠西海碧石彌外區化爲中園實其下成路
衢在先良足貴因小邈難逾色潤房陵縹味奪寒
水朱摘持欲以獻尚食且踟躕

詠桃

風來吹葉動風去畏花傷紅英已照灼况復含日
光歌童暗理曲游女夜縫裳詎減當春淚能斷思
人腸

詠青苔

緣堦已漠漠汎水復綿綿微根如欲斷輕絲似更
聯長風隱細草深堂沒綺錢縈鬱無人贈歲蕤徒
可憐

十詠二首

領邊繡

織手製新奇刺作可憐儀縈絲飛鳳子結縷坐花
兒不聲如動吹無風自裏枝麗色儻未歇聊承雲
鬢垂

脚下履

詩經 卷之十一
丹墀上颯沓玉殿下趨鏘逆轉珠珮響先表繡袿
香裾開臨舞席袖拂繞歌堂所嘆忘懷妾見委入
羅牀

懷舊詩九首

傷王融

元長秉竒調弱冠慕前蹤眷言懷祖武一篲望成
峰途艱行易跌命舛志難逢折風落迅羽流恨滿
青松

傷謝朓

吏部信才傑文峰振竒響調與金石諧思逐風雲
上豈言陵霜質忽隨人事往尺璧爾何冤一旦同
丘壤

傷庾杲之

左一作右率馥時譽秀出冠朋僚聳茲千仞氣振此
百尋條蘊藉含文雅散朗溢風飈楸檟一作梧今已

合容範尚昭昭

傷王湛

長史體閑任坦蕩無外求持身非詭遇應物有虛

舟心從朋好盡形為歡宴留歡宴未終畢零落委
山丘

傷虞炎

東南既擅美洛陽復稱才携手同歡宴比跡共遊
陪事隨短秀落言歸長夜臺

傷李珪之

少府懷貞節忘軀濟所奉吏道勤不息繁文長自
擁旣闕優孟歌身沒誰為寵

傷韋景猷

韋叟識前載博物備戎率稅驂止營校淪跡委泥
沙始知庸聽局方悟大音賒

傷劉渢

藝文作佩

處和無近累天然有勝質蕭瑟負高情耿介懷秋
實義貴良為重蘭摧非所恤一罷平生言寧知携
手日

傷胡諧之

豫州懷風範綽然標雅度處約志不渝接廣情無
忤頡頏事刀筆紛綸遞朱素美志同山阿浮年迫

詩經
卷之十一
朝露

詠新荷應詔

勿言草卉賤幸宅天池中
微根纔出浪短幹未搖
風寧知寸心裏蓄紫復含紅

聽蟬鳴應詔

輕生宅園籓復得棲嘉樹
豈敢擅洪枝輕條遭所
遇葉密形易揚風迴響難往

詠笙

彼美實枯枝孤篠定參差
鷓鴣已啁晰棗下復林

離本期王子宴寧待洛濱吹

詠箏

秦箏吐絕調玉柱揚清曲
絃依高張斷聲隨妙指
續徒聞音繞梁寧知顏如玉

詠石榴

靈園同佳稱幽山有竒質
停采久彌鮮含華豈期
實長願微名隱無使孤株出

大言應令

隘此大汎庭方知九垓局
窮天豈彌指盡地不容

足

細言應令

開館尺椳餘築榭微塵裏蝸角列州縣毫端建朝市

詠餘雪

陰庭覆素芷南階褰綠施玉臺新落構青山已半虧

詠帳

甲帳垂和璧螭雲張桂宮隋珠既吐曜翠被復含

風

侍宴詠反舌

假容不足觀遺音猶可薦幸蒙喬樹恩得以聞高殿

寒松

梢聳振寒聲青葱標暮色踈葉望嶺齊喬榦臨雲直

詠孤桐

龍門百尺時一作時排雲少孤立分根蔭玉池欲待

高鸞集

詠梧桐

秋還遽已落春曉猶未萸微葉雖可賤一剪或成
珪

園橘

綠葉迎露滋朱苞待霜潤但令入玉梓金衣非所
恡

詠梨應詔

大谷來既重岷山道又難摧折非所恡但令入玉

盤

西地梨

詩彙作簡
文者非

列茂河陽苑蓄紫濫觴隈翻黃秋沃若落素春徘徊

詠芙蓉

微風搖紫葉輕露拂朱房中池所以綠待我泛紅
光

詠杜若

生在窮絕地豈與世相親不顧逢采擷本欲芳幽

人

詠鹿葱

野馬不任騎兔絲不任織既非中野花無堪麝麝食

甘蕉

抽葉固盈丈擢本信兼圍流甘揜椰實弱縷冠絺衣

詠菰

結根布洲渚垂葉滿臯澤匹彼露葵羨可以留上

客

早行逢故人車中為贈

殘朱猶曖曖餘粉尚霏霏昨宵何處宿今晨拂露歸

為鄰人有懷不至

影逐斜月來香隨遠風入言是定知非欲笑翻成泣

四城門

六龍既驚軫二鼠復馳光衰齡難慎輔暮質易凋

傷

和劉中書仙詩二首

以下十題闕文

清旦發玄洲日暮宿丹丘
崑山西北映流泉東南
流霓裳拂流電雲車委輕霞
崢嶸上不覩寥廓下
無見

殊庭不可及風燦多異色霞衣不待縫
雲錦不須織

華山館為國家營功德

沐芳禱靈嶽稽首恭上玄帝昔祈萬壽臣今請億

年丹方緘洞府河清時一傳錦書飛雲字玉簡黃

金編

和王衛軍解講

妙輪輟往駕寶樹未開音甘露為誰演得一標道
心耿耿玄塗曠高義總成林七花屏塵相八解濯
芳襟

侍宴謝朓宅餞東歸應制

皇情悵東舳羽旆拂南廡夏雲清朝景秋風揚早
蟬飲和陪下席論道光上筵

言系 卷之十一
酬孔通直過懷蓬居

閭闔既洞啓龍樓亦高闕兩宮集鸞步二闈引通籍伊爾事清途紛吾供賤役

石塘瀨聽猿

噉噉夜猿鳴溶溶晨霧合不知聲遠近惟見山重沓既歡東嶺唱復佇西巖答

出重圍和傅昭

魯連揚一策陳平出六竒邯鄲風雨散白登煙霧維排雲出九地陵定振五卮

秋晨羈怨望海思歸

分空臨澥霧披遠望滄流八桂暖如畫二桑眇若浮煙極希丹水月遠望青丘

侍宴樂游苑餞徐州刺史應詔

丘遲同賦

沃若動龍驂參差凝鳳管金塘草未合玉池泉將滿

憇郊園和約法師採藥

郭外三千畝欲以貿朝饘繁蔬既綺布密菓亦星懸

上巳華光殿

七言

於維盛世卽軒媯朝
艷宴鎬復在斯朝
光灼爍映蘭池
春風婉轉入細枝
時鸞顧慕聲合離
輕波微動漾羽卮
河宗海若生蛟螭
浮梁徑度跨迴漪
朱顏始洽景將移
安得壯士駐奔曦

六憶詩四首

以下雜言

憶來時灼灼上階墀
勤勤叙別離
慊慊道相思
相思常不足
相見乃忘饑
憶坐時
點點羅帳前
或歌四五曲
或弄兩三弦
笑

時應無比嗔時更可憐
憶食時
臨盤動容色
欲坐復羞坐
欲食復羞食
含哺如不饑
擎甌似無力
憶眠時
人眠彊未眠
解羅不待勸
就枕更須牽
復恐傷人見
嬌羞在燭前

八詠詩

金華誌曰八詠詩南齊隆昌元年太守沈約所作題於玄暢樓時號絕倡後人因更玄暢爲八詠樓云

登臺望秋月

望秋月秋月光如練照曜三爵臺徘徊九華殿九
 華玳瑁梁華棖與璧璫以茲雕麗色持照明月光
 凝華入黼帳清輝懸洞房先過飛燕戶却映班姬
 牀桂宮裊裊落桂枝早寒淒淒凝白露上林晚葉
 颯颯鳴鴈門早鴻離離度湛秀質今似規委清光
 今如素照愁軒之蓬髮影金堦之輕一作微步居人
 臨此笑以歌別客對之傷且慕經衰圃映寒叢凝
 清夜帶秋風隨庭雪以借素與池荷而共紅臨玉
 階一作之皎皎含霜靄之濛濛輔天衢而徙度轢

長漢而飛空隱巖崖而半出隔帷幌而纔通散朱
 庭之奕奕入青瑣而玲瓏寒階悲寡鶴沙洲怨別
 鴻文姬泣胡殿昭君思漢宮余亦何為者淹留此
 山東

會圃臨春風

臨春風春風起春樹游絲暖如網一作煙落花零似
 霧先泛天淵池還過細柳枝蝶逢飛搖颺燕值羽
 差池揚桂旆動芝蓋開燕裾吹趙帶趙帶飛參差
 燕裾合且離迴簪復轉黛顧步惜容儀容儀已炤

灼春風復迴薄氛氲桃李花青跗含素萼既爲風
所開復爲風所落搖綠蒂抗紫莖舞春雪襍流鶯
曲房開兮金鋪響金鋪響兮妾思驚梧臺未陰淇
川一作水始碧迎行雨於高唐送歸鴻於碣石經洞
房響紈扇感幽閨思帷帟想芳園兮可以游念蘭
翹兮漸堪摘拂明鏡之冬塵解羅衣之秋襞既鏗
鏘以動佩又綢繆而流射始搖蕩以入閨終徘徊
而緣隙鳴珠簾於繡戶散芳塵於綺席是時悵思
歸安能久行役佳人不在茲春風誰爲惜

歲暮愍衰草

愍衰草衰草無容色憔悴荒逕中寒萋不可識昔
時兮春日昔日兮春風銜花兮佩實垂綠兮散紅
氛氲鳩鵲右照曜望仙東送歸顧慕泣淇水嘉客
淹留懷上宮巖陬兮海岸冰多兮霰積爛熳兮客

巖

一作

根攢幽兮寓

石

一作

隙布綿密於寒臯吐纖踈

於危石既惆悵於君子倍傷心於行役露縞枝於
初旦霜紅天於始夕彫芳卉之九衢實靈茅之三
脊風急嶠道難秋至客衣單既傷簷下菊復悲池

言終
卷之十一
上蘭飄落逐風盡方知歲早寒流螢暗明燭鴈聲
斷纔續委絕長信宮蕪穢丹墀曲霜奪莖上紫風
銷葉中綠山變兮青薇水折兮黃葦秋鴻兮踈引
寒鳥兮聚飛徑荒寒草合桐長舊巖圍
一作草長
荒徑微
園庭漸蕪沒霜露日霑衣願逐晨征鳥薄暮共西
歸

霜來悲落桐

悲落桐落桐早霜露燕至葉未抽鴻來枝已素本
出龍門山長枝仰刺天上峰百丈絕下趾萬尋懸

幽根未蟠結孤株復危絕初不照光景終年負霜
雪自顧無羽儀不願生曲池芬芳本自乏華實無
所施公子特留盼王孫少見知分取孤生枿徒置
北堂陞宿莖抽晚榦新葉生故枝故枝雖遼遠新
葉頗離離春風一朝至榮華坐如斯自惟良菲薄
君恩徒照灼顧已非嘉樹空用憑阿閣願作清廟
琴爲君舞玄鶴薜荔可爲裳文杏堪作梁勿言草
木賤徒照君末光末光不徒照爲君含噉咷
一作
窸窣
陽柯淥水絃陰枝苦寒調厚德非所任敢不虛其

詩經 卷之十一
心若逢陽春至吐綠照清潯

夕行聞夜鶴

聞夜鶴夜鶴叫南池對此孤明月臨風振羽儀伊
吾人之菲薄無賦命之天爵抱跼促之短懷隨冬
春而哀樂愍海上之驚鳧傷雲間之離鶴離鶴昔
未離迴發天北垂忽遇疾風起暫下昆明池復畏
冬冰合水宿非所宜欲棲不可住欲去飛已疲勢
逐疾風舉求溫向衡楚復值南飛鴻參差共成侶
海上多雲霧蒼茫失洲嶼自此別故羣獨向瀟湘
渚故羣不離散相依江海畔夜止羽相切晝飛影
相亂刷羽共浮沉湛澹泛清潯既不經離別安知
慕侶心九冬負霜雪六翮飛不任且養凌雲翅俛
仰弄清音所望浮丘子旦夕來相尋

晨征聽曉鴻

聽曉鴻曉鴻度將旦跨弱水之微瀾發成山之遠
岸休春歸之未幾傷此歲之云半出海漲之蒼茫
入雲途之瀰漫無東西之可辨孰遐邇之能算微
昔見於洲渚赴秋期於江漢集勁風於弱軀負重

雪於輕翰寒溪可以飲荒臯可以竄溪水徒自清
微容豈足翫秋蓬飛兮未極塞草寒兮無色吳山
高兮高難度越水深兮深不可測羨明月之馳光
顧征禽之駛翼伊余馬之屢懷知君一作吾行之未
極一作息夜綿綿而難曉愁參差而盈臆望山川悉
無似唯星河猶可識孤鴈夜南飛客淚夜沾衣春
鴻旦暮返客子方未歸歲去歡娛盡年來容貌衰
非一作攬攬衽形雖是撫臆事多違青綯一作蒲雖長復
易解白雲誠遠詎難依

解佩去朝市

去朝市朝市深

一作晨

一作

歸暮辭北纓而南徂浮東川

而西顧逢天地之降祥值日月之重光伊吾行之

未已

一作伊當仁之菲薄

非余情之信芳克待詔於金馬奉

高宴於栢梁觀闔獸於虎園望窈窕於披香游西
園兮登銅雀攀青瓊兮眺重陽講金華兮議宣室
晝武帳兮夕文昌佩甘泉兮屣五柞簪粉楫音詣兮
黻承光託後車兮侍華幄游渤海兮泛清漳天道
有盈缺寒暑遞炎涼一朝賣玉琬眷眷惜餘香曲

詩經 卷之十一
池無復處桂枝亦銷亡清廟徒肅肅西陵久茫茫
薄暮余多幸嘉運重來昌忝稽郡之南尉典千里
之光貴別北茫於濁河戀橫橋於清渭望前軒之
早桐對南階之初卉唯余情之屢傷豈茲焉之能
慰眷昔日兮懷哉歲將暮兮歸去來

被褐守山東

守山東山東萬嶺

一作里

鬱青葱兩溪共一瀉水潔

望如空岸側青莎被巖間丹桂叢上瞻旣隱軫下
睇亦溟濛遠林響咆獸近樹聒鳴蟲路出一作帶若

溪右澗

一作泉

吐金華東萬仞倒危石百丈注懸淙

一作淙

掣曳瀉流電奔飛似白虹洞井含清氣漏穴

吐飛風玉竇膏滴瀝石乳室空籠峭嶸塗彌險巖
咀步纔通余捨平生之所愛歛暮年之此逢欲一
去而不還悵鄒一作恨衣之未褫揖林壑之清曠事
珉俗之紛詭幸帝德之方升值天綱之未毀旣除
舊而就新故化民而俗徙播趙俗以南徂扇齊風
以東靡乳雉方可馴流蝗庶能弭清心矯世濁儉
政救民侈秩滿撫白雲淹留事芝髓

王錫

字公蝦琅邪人梁武令與張瓚入宮與昭明為師友累遷吏部郎中

大言應令

欲遊五嶽迫不得申杖千里之木鱠橫海之鱗

細言應令

冥冥藹藹離朱不辨其實步蝸角而三伏經鍼孔而千日

王規

字威明琅邪人儉之孫騫之子仕武帝時累遷太子中庶子領東兵校尉

大言應令

俯身望日入下視見星羅噓八風而為氣吹四海

而揚波

細言應令

鍼鋒于焉止息髮杪可以翽翽蛟眉淡而易阻蟻目曠而難航

張纘

大言應令

河流既竭日月俱騰置羅微物動落雲鵬

細言應令

遨遊蟻目辨輕塵蚊睫成宇蟲如輪

殷鈞

一作均字季和陳郡長平人歷東宮學士國子祭酒

大言應令

噫氣為風揮汗成雨聊灼戴山龜欲持揆邃古

細言應令

汎舟毛滴海為政蝸牛國逍遙輕塵上指塵問南

北

詩紀卷之七十四

終

詩紀卷之七十五

梁十二

江淹

字文通濟陽考城人弱冠以五經授宋始安王劉子真為南徐州王新安從事奉朝

請始安薨舉南徐州桂陽王秀才轉建平王主簿雅以文章見遇及王移鎮朱方又為鎮軍參軍領東海郡丞王欲舉兵淹以為諷乃黜為吳興令齊高帝始置史館命淹掌之累遷御史中丞明帝時出為宣城太守還為秘書監兼衛尉入梁為散騎常侍遷金紫光祿大夫卒謚曰憲○詩品曰文通詩體總雜善於摹擬筋力於王徽成就於謝朓故君子貴自立不可隨流俗

樂府

銅爵妓

以下
五言

武皇去金閣英威長寂寞雄劍頓無光雜佩亦銷
爍秋至明月圓風傷白露落清夜何湛湛孤燭映
蘭幕撫影愴無從惟懷憂不薄瑤色行應罷紅芳
幾爲樂徒登歌舞臺終成螻蟻郭

採菱曲

秋日心容與涉水望碧蓮紫菱亦可採試以緩愁
年參差萬葉下泛漾百流前高彩隘通壑香氣麗
廣川歌出櫂一作趙女曲儻入江南絃乘龜非逐俗

駕鯉乃懷仙衆美信如此無恨在

一作出清泉

詩

侍始安王石頭

緒官承盛世逢恩侍英王結劍從淡景撫袖逐曾
光暮情鬱無已流望在川陽平原忽超遠參差見
南湘何如塞北陰雲鴻盡來翔擘鏡照愁色徒坐
引憂方山中如未夕無使桂葉傷

從征虜始安王道中

乘笏從帷幕仄身豫休明君子未獲晏小人亦自

言終
卷之十二
營結軒首涼野驅馬僑寒城容裔還鄉權透迤去
國旌山氣亘百里山色與雲平喬松日夜竦紅霞
旦夕生徒慙恩厚槩空抱春施名仰願光威遠歲
晏返柴荆

從冠軍行建平王登廬山香爐峰

廣成愛神鼎淮南好丹經此山具鸞鶴往來盡仙
靈瑤草正翕施玉樹信蔥青絳氣下縈薄白雲上
杳冥中坐瞰蜿蜒俛伏視流星不尋遐恠極則知
耳目驚日落長沙渚曾陰萬里生籍蘭素多意臨

風默含情方學松栢隱羞逐市井名幸承光誦末

伏思託後旌

本集
作旌

從建平王遊紀南城

恭承此嘉惠末官至南荆歛衽依

一作承

光采端笏

奉仁明再逢綠草合重見翠雲生江甸知禮富漢
渚聞教清君王澹以思樹羽望楚城年積衣劍滅
地遠宮館平錦帳終寂寞綵瑟祕音英丹沙信難
學黃金不可成遷化每如茲安用貴空名流巖慘
中懷凝意方自驚願借若木景長照憂人情

望荆山

奉義

藝文作詔

至江漢始知楚塞長南關繞桐栢西嶽

出魯陽寒郊無留影秋日懸清光悲風撓

一作重繞

林雲霞肅川漲歲晏君如何零淚霑衣裳玉柱空
掩露金樽坐含霜一聞苦寒奏再使艷歌傷

步桐臺

客子畏霜雪憂至竟悠哉綺帷生網羅寶刀積塵
埃思君出漢北鞍馬登楚臺歲綵合雲光平原秋
色來寂聽積空意凝望信長懷蕙芬自有美光景

詎徘徊山中忽緩駕暮雪將盈階

秋至懷歸

悵然集漢北還望岨山田泐泐百重壑參差萬里
山楚關帶秦隴荆雲冠吳煙草色斂窮水木葉變
長川秋至帝子降客人傷嬋娟試訪淮海使歸路
成數千蓬驅未止極旌心徒自懸若華想無慰憂
至定傷年

渡西塞望江上諸山

南國多異山襍樹共冬榮潺湲夕澗急嘈嘈

集作嘈嘈

言終 卷之十二 四
晨鷗鳴石林上參錯流沫下縱橫松氣鑑青藹霞
光鑠丹英望古一疑思留滯桂枝情結友愛遠嶽
採藥好長生當畏佳人晚秋蘭傷紫莖海外果可
學歲暮誦仙經

赤亭渚

吳江泛丘墟饒桂復多楓水夕潮波黑日暮精氣
紅路長寒光盡鳥鳴秋草窮瑤水雖未合珠霜竊
過中坐識物序晏臥視歲陰空一傷千里極獨望
淮海風遠心何所類雲邊有征鴻

渡泉嶠出諸山之頂

岑峯蔽日月左右信艱哉萬壑共馳騫百谷爭往
來鷹隼旣厲翼蛟魚亦曝鰓崩壁迭枕臥漸石屢
盤迴伏波未能鑿樓船不敢開百年積流水千歲
生青苔行行詎半景余馬以長懷南方天炎火魂
今可歸來

遷陽亭

擘淚訪亭候茲地乃閩城萬古通漢使千載連吳
兵瑤礪夔嶄峯銅山鬱縱橫方水埋金艫圓岸伏

丹瓊下視雄虹照俯看綵霞明桂枝空命折煙氣
坐自驚劍逕羞前檢岷山慙舊名伊我從霜露僕
御復孤征楚客心命絕一願聞越聲

遊黃蘗山

長望竟何極閩雲連越邊南州饒竒怪赤縣多靈
仙金峰各虧日銅石共臨天陽岫照鸞采陰谿噴
龍泉殘杙千代木廡峯萬古煙禽鳴丹壁上猿嘯
青崖間秦皇慕隱淪漢武願長年皆負雄豪威棄
劍爲名山况我葵藿志松木橫眼前所若同遠好

臨風載悠然

還故園

漢臣泣長沙楚客悲辰陽古今雖不舉茲理亦宜
傷山中信寂寥孤景吟空堂北地三變露南簷再
逢霜竊值寰海闢仄見圭緯昌浮雲抱山川遊子
御故鄉遽發桃花渚適宿春風塲紅草涵電色綠
樹鏢煙光高歌僚關國微歎依笙篁請學碧靈草
終歲自芬芳

劉僕射東山集

蕭蕭雲色滋惟愛

一作憂

起長思喬木嘯山曲征鳥

怨水湄共惜玉樽暮願是

本集作使

光陰遲紳裳視絕

雲銜意方此時誦飾江臯駕終從海濱詩

陸東海譙山集

杳杳長役思思來使情濃恒忌光氛度藉蕙望春
紅青莎被海月朱華冒水松輕風暖長嶽雄虹赫
遠峰日暮崦嵫谷參差綵雲重永願白沙渚遊衍
遂相從丹山有琴瑟不爲憂傷容

無錫縣歷山集

愁生白露日思起秋風年竊悲杜蘅暮孽涕弔空
山落葉下楚水別鶴噪吳田嵐氣陰不極日色半
虧天酒至情蕭瑟憑樽還惘然一聞清琴奏歔泣
方留連况乃客子念直置絲竹間

外兵舅夜集

丹林一葉舊碧草從此空煙花拂夜色華舟盪秋
風歛意悵何已極望情思中瑤瀾寂以晏若采能
幾終暮心亦誰寄江臯桂有叢

貽袁常侍

昔我別楚水秋月麗秋天今君客吳坂春色縹一作
媚日春泉幽冀生碧草沅湘含翠煙鑠鑠霞上景憐
情雲外山涉江竟何望留滯空採蓮駐情光氣下
凝怨琴瑟前珠貝性明潤蘭玉好芳堅不以宿昔
咀懷愧期暮年

古意報袁功曹

樂府作
從軍行

從軍出隴北長望陰山雲涇渭各異流恩情於此
分故人贈寶劍鏤以瑤華文一言鳳獨立再說鸞
無羣何得晨風起悠哉凌翠氛黃鵠去千里垂涕

爲報君

寄丘三公

昔我學冠劍逢君在三川何意風雨激一訣異東
西叶先菊秀空應奪蘭芳幾時堅常恐握手畢黯如
光絕天安得明月珠擎涕寄吳山

臥疾怨別劉長史

藝文作臨
秋怨別

四時煎日夜玉露催紫榮始懷未及歎春意秋方
驚涼草散螢色衰樹斂蟬聲憑景魂且謚臥堂怨
已生承君客江潭先愁鴻鴈鳴吳山饒離袂楚水

多別情金堅碧不滅桂華蘭有英無輟代上朝豈
惜鏡中明但見一葉落哀恨方未平

應劉豫章別

清塵播嶠岫遠
被脩
代高行乃厲

天俗態擘明林散
才賢裂
分

堯甸音田於時秋永永江漢起殘煙獵獵風剪樹颯

颯露傷蓮霞出海中雲水發江上泉浸淫泉懷浦
泛濫雲辭山洲渚一揚袂殞意元氣前願效卷施

草春華冬復堅

燈夜和殷長史

冬盡綵葉暮金石亦懷傷冰鱗不能起水鳥望川
梁客子仿永夜寂寞幽意長臥歇丹丘采坐失曾
泉光結眉慘成慮銷憂非羽觴此心冀可緩清芷
在沅湘

贈鍊丹法和殷長史

琴高遊會稽靈變竟不還不還有長意長意希童
顏身識本爛熳光曜不可攀方驗參同契金竈鍊
神丹頓捨心知愛永郤平生歡玉牒裁可卷珠藥

不盈簞譬如明月色流采映歲寒一待黃冶就青
芬遲孤鸞

從蕭驃騎新帝壘

鯢妖毀王度虹氣咀王猷上宰軫靈略宏威肅廣
謀綿嶮冒戈堞乘嶠架烽樓燕兵歌越水代馬思
吳州金笳夜一遠明月信悠悠雲色被江出煙光
帶海浮開襟夾蒼宇拓遠局溟洲折日承丹谷總
駕臨青丘仄待飈霧晏方從畎壑遊

惜晚春應劉秘書

煙景抱空意蘅杜綴幽心心憂望碧葉涵影顧青
林風光多樹色露華翻蕙陰水苔方下蔓石蘿日
上尋霞衣已具帶仙冠不持一作待簪徒爲多委鬱
精鬼還自臨始獲瓊歌贈一點重如金山中有雜
桂玉瀝乃共斟

秋夕納涼奉和刑獄舅

蕭條晚秋景旻雲承景斜虛堂起青靄崦嵫生暮
霞空居寂以欹左右自幽歌騎星謝屐或作箕尾濯
髮慙陽阿年歇玄圃壁歲減天津波金簫哀夜長

詩經 卷之十二
瑤琴怨暮多四時通信黯春風日夜過楚水徒有
蘭憂至竟如何

郊外望秋答殷博士

白露掩江臯青滿平地蕪長夜亦何際銜思久踟
蹰企余重蘭貝清才富金瑜獨艷始東山擅麗終
西都雲精無永滯水碧豈慙濡屬我茲景半賞爾
若光初折麻異離群紉蕙非索居頻贈旣雅歌還
懷諒短書

冬盡難離和丘長史

閒居深悵悵颶寒拂中閨寶禮自千里縑一作書
果君題山川吐幽氣雲景抱長懷茲別亦爲遠潮
瀾鬱東西汀臯日慘色桂闈猿方啼擘意誰侘傺
屑涕在心乖杜蘅念無沫石蘭終不睽冀總歲暮
駕遊衍蒼山蹊

池上酬劉記室

戚戚憂可結結憂視春暮紫荷漸曲池臯蘭覆徑
路葱蒨巨華堂葢葢雜綺樹爲此久佇立容易光
陰度水館次文一作久羽山葉下暝露懷賞入舊襟

言
卷之十二
十一
悅物覽新賦惜我無雕文報章慙復素

吳中禮石佛

幻生太浮詭長思多沈疑疑思不慙炤詭生寧盡
時敬承積劫下金光鑠海涓火宅斂焚炭藥草匪
卉滋常願樂此道誦經空山坻禪心暮不雜寂行
好無私軒騎久已訣親愛不留遲憂傷漫漫情靈
意終不淄誓尋青蓮果永入梵庭期

採石上菖蒲

瑤琴久蕪沒金鏡廢不看不見空閨裏縱橫愁思

端緩步遵汀渚揚柁泛春瀾電至煙流綺水綠桂

涵丹憑酒竟

一作意

未悅半景方自歎每爲憂見及

杜若詎能寬冀採石上草得以駐餘

一作衰

顏亦鯉

儻可乘雲霧不復還

就謝主簿宿

季月寒氣重滋蘭錯無芳北風漂夜色河凝暘如
霜悵哉心神晚燭滅此深堂芰衣如可贈寧濕岵
雲梁

無錫舅相送銜涕別

言終
卷之十二
十三
心遠路已迴意滿辭未陳曾風漂別蓋北雲竦征
人杯酒憐歲暮志氣非上春若無孤鳥還瀝泣何
所因

當春四韻同 左丞

雷萌山中草雲煦江上花流煙漾璇景輕風泛凌
霞我有幽蘭念銜意矚里斜友人殊未還獨慰簷
前華

感春冰遙和謝中書二首

江臯杳如華歛衣望邊亭平原何寂寂島暮蘭紫

莖芬披好草合流爛新光生冰雪徒皦潔此焉空
守貞

暮意歌上眷悵哉望佳人擘洲之宿莽命爲瑤桂
因觀書術不變學古道恒真若作商山客寄謝丹
水濱

詠美人春遊

江南二月春東風轉綠蘋不知誰家子看花桃李
津白雪凝瓊貌明珠點絳唇行人咸息駕爭擬洛
川神

詩紀
卷之十二
征怨

蕩子從征久鳳樓簫管閒獨枕凋雲鬢孤燈損玉顏何日邊塵淨庭前征馬還

詩紀卷之七十五

終

詩紀卷之七十六

梁十三

江淹

裸體三十首

并序

夫楚謠漢風既非一骨魏製晉造固亦二體譬猶藍朱成彩襍錯之變無窮宮角爲音靡曼之態不極故蛾眉詎同貌而俱動於鬼芳草寧共氣而皆悅於蒐不其然歟至於世之諸賢各滯所迷莫不論甘而忌辛好丹而非素豈所謂通

方廣恕好遠兼愛者哉乃及公幹仲宣之論家
有曲直安仁士衡之評人立矯抗况復殊於此
者乎又貴遠賤近人之常情重耳輕目俗之恒
蔽是以邯鄲託曲於李奇士季假論於嗣宗此
其效也然五言之興諒非復古但關西鄴下既
已罕同河外江南頗為異法故玄黃經緯之辨
金碧浮沈之殊僕以為亦各具選作合其美兼善而
已今作三十首詩數其文體雖不足品藻淵流
庶亦無乖商榷云爾

古離別

遠與君別者乃至鴈門關黃雲蔽千里遊子何時
還送君如昨日簷前露已團不惜蕙草晚所悲道
里寒君在天一涯妾身長別離願一見顏色不異
瓊樹枝兔絲及水萍所寄終不移

李都尉陵從軍

樽酒送征人踟躕在親宴日暮浮雲滋握手淚如
霰悠悠清水川嘉魴得所薦而我在萬里結友一作
髮不相見袖中有短書願寄雙飛燕

班婕妤好詠扇

紈扇如團月出自機中素畫作秦王女乘鸞向煙
霧彩色世所重雖新不代故竊愁涼風至吹我玉
階樹君子恩未畢零落在中路

魏文帝曹丕遊宴

置酒坐飛閣逍遙臨華池神飈自遠至左右芙蓉
披綠竹夾清水秋蘭被幽崖月出照園中冠珮相
追隨客從南楚來爲我吹參差淵魚猶伏浦聽者
未云疲高文一何綺小儒安足爲肅肅廣殿陰雀

聲愁北林衆賓還城邑何用慰我

吾一作心

陳思王曹植贈友

君王禮英賢不恡千金璧雙闕指馳道朱宮羅第
宅從容冰井臺清池映華薄涼風盪芳氣碧樹先
秋落朝與佳人期日夕望青閣褰裳摘明珠徙倚
拾蕙若眷我二三子辭義麗金牖延陵輕寶劔季
布重然諾處富不忘貧有道在葵藿

劉文學楨感懷

蒼蒼山中桂團團霜露色霜露一何緊桂枝生自

直橘柚在南國因君爲羽翼謬蒙聖主私託身文
墨職丹彩旣已過敢不自雕飾華月照芳池列坐
金殿側微臣固受賜鴻恩良未測

王侍中粲懷德

伊昔值世亂秣馬辭帝京旣傷蔓草別方知杖杜

情峭函蕩

選作復

丘墟冀闕緬縱橫倚棹泛涇渭日

暮山河清蟋蟀依素

選作桑

野巖風吹枯莖鶴鷁在

幽草客子淚已零去鄉三

一作二

十載幸遭天下平

賢主降嘉賞金貂服玄纓侍晏出河曲飛蓋遊鄴

城朝露竟幾何忽如水上萍君子篤恩

選作惠

義柯

葉終不傾福履旣所綏千載垂令名

稽中散康言志

曰余不師訓潛志去世塵遠想出宏域高步超常
倫靈鳳振羽儀戢景西海濱朝食琅玕實夕飲玉
池津處順故無累養德乃入神曠哉宇宙惠雲羅
更四陳哲人貴識義大雅明庇身莊生悟無爲老
氏守其真天下皆得一名實久相賓咸池饗爰居
鍾鼓或愁辛柳惠善直道孫登庶知人寫懷良未

遠感贈以書紳

阮步兵籍詠懷

青鳥海上遊鶯斯蒿下飛浮沈不相宜羽翼各有歸飄飄可終年

一作極

沈

一作混

瀆安是非朝雲乘變

化光耀世所希精衛銜木石誰能測幽微

張司空華離情

秋月映簾櫳懸光入丹墀佳人撫鳴琴清夜守空帷
蘭徑少行迹玉臺生網絲庭樹發紅彩閨草含碧滋
延佇整綾

一作羅

綺萬里贈所思願垂湛露惠

信我皎日期

潘黃門岳述哀

青春速天機素秋馳白日美人歸重泉悽愴無終畢
殞宮已肅清松柏轉蕭瑟俯仰未能弭尋念非但一撫衿
悼寂寞恍然若有失明月入綺牕髣髴想蕙質銷憂非萱草
永懷寄夢寐夢寐復冥冥何由覲爾形我慙北海術爾無帝女
靈駕言出遠山徘徊泣松銘雨絕無還雲華落豈畱英日月方代
序寢興何時平

陸平原機羈宦

儲后降嘉命恩紀被微身明發眷桑梓永歎懷密
 親流念辭南溼銜怨別西津驅馬遵淮泗旦夕見
 梁陳服義追上列矯迹厠宮臣朱黻咸髦士長纓
 皆俊民契闊承華內綢繆踰越選作歲年日暮聊總
 駕逍遙觀洛川殂歿選作多拱木宿草凌寒煙遊
 子易感慨躑躅還自憐願言寄三鳥離思非徒然

左記室思詠史

韓公淪賣藥梅生隱市門百年信荏苒何爲選作

苦心竟當學衛霍將建功在河源珪組賢君眄青
 紫明主恩終軍才始達賈誼位方尊金張服貂冕
 許史乘華軒王侯貴片議公卿重一言太平多歡
 娛飛蓋東都門顧念張仲蔚蓬蒿滿中園

張黃門協苦雨

丹霞蔽陽景綠泉涌陰渚水鶴巢層甍山雲潤柱
 礎有弁興春節愁霖貫秋序熒熒涼葉奪戾戾颺
 風舉高談翫四時索居慕儔侶青苕選作日夜黃
 芳蕤成宿楚歲暮百慮集作交無以慰延佇

劉大尉琨傷亂

皇晉遘陽九天下橫氛霧秦趙值薄蝕幽并逢虎
據伊余荷寵靈感激狗馳驚雖無六奇術冀與張
韓遇甯戚扣角歌桓公遭乃舉荀息冒險難實以
忠貞故空令日月逝愧無古人度飲馬出城濠北
望沙漠路千里何蕭條白日隱寒樹投袂既憤懣
撫枕懷百慮功名惜未立玄髮已改素時哉苟有
會治亂惟冥數

盧郎中諶感交

大厦須異材廊廟非庸器英俊著世功多士濟斯
位眷顧成綢繆乃與時髦匹姻媾久不虧選作契
闊豈但一逢厄既已同處危非所恤常慕先達槩
觀古論得失馬服爲趙將疆場得清謐信陵佩魏
印秦兵不敢出慨無握中策徒慙素絲質羈旅去
舊京一作鄉感遇踰琴瑟自顧非杞梓勉力在無逸
更以畏友朋濫吹乖名實

郭弘農璞遊仙

崦山多靈草海濱饒竒石偃蹇尋青雲隱淪駐精

言
卷之三
七
魄道人讀丹經方士鍊玉液朱霞入窻牖耀靈照
空際傲睨摘木芝凌波採水碧眇然萬里遊矯掌
望烟客永得安期術豈愁濛汜迫

孫廷尉綽襍述

太素既已分吹萬著形兆寂動苟有原因謂殤子
天道喪涉千載津梁誰能了思乘扶搖翰卓然凌
風矯靜觀尺椹義理足未嘗少回回秋月明憑軒
詠堯老浪迹無虫妍然後君子道領略歸一致南
山有綺皓交臂久變化傳火乃薪草疊疊玄思清
胸中去機巧物我俱忘懷可以狎鷗鳥

許徵君詢自敘

張子閭內機單生蔽外像一時排冥筌泠然空中
賞遣此弱喪情資神任獨往采藥白雲隈聊以肆
所養丹葩曜芳蕤綠竹陰間敞茗茗寄意勝不覺
凌虛上曲櫺激鮮飈石室有幽響去矣從所欲得
失非外獎至哉操斤客重明固已朗五難既灑落
超迹絕塵網

殷東陽仲文興矚

晨遊任所萃悠悠蘊真趣雲天亦遼亮時與賞心
遇青松挺秀萼惠色出喬集作芳樹極眺清波淡緬
映石壁素瑩情無餘滓拂衣釋塵務求仁既自我
玄風豈外慕直置忘所宰蕭散得遺慮

謝僕射混遊覽

信矣勞物化憂襟未能整薄言遵郊衢總轡出臺
省婁婁節序高寥寥心悟永時菊耀巖阿雲霞冠
秋嶺眷然惜良辰徘徊踐落景卷舒雖萬緒動復
歸有靜曾是迫桑榆歲暮從所秉丹壑不可攀忘

懷寄匠郢

陶徵君潛田居

種苗在東臯苗生滿阡陌雖有荷鋤倦濁酒聊自
適日暮巾柴車路闇光已夕歸人望煙火稚子候
簷隙問君亦何爲百年會有役但願桑麻成蠶月
得紡績素心正如此開逕望三益

謝臨川靈運遊山

江海經遄迴山嶠備盈缺靈境信淹留賞心非徒
設平明登雲峰杳與廬霍絕碧障長周流金潭恒

言終
卷之三
九
澄徹洞林帶晨霞石壁映初晰乳竇既滴瀝丹井
復寥沈崑崙轉奇秀岑峯還相蔽赤玉隱瑤溪雲
錦被沙汭夜聞猩猩啼朝見鼯鼠逝南中氣候暖
朱華凌白雪幸遊建德鄉觀奇經禹穴身名竟誰
辨圖史終磨滅且泛桂水潮映月遊海滋攝生貴
處順將爲智者說

顏特進延之侍宴

太微凝帝宇瑤光正神縣揆日粲書史相都麗聞
見列漢構仙宮開天製寶殿桂棟畱夏飈蘭橈停

冬霰青林結冥濛丹巘被五臣作披蔥蒨山雲備卿霽

池卉具靈變重陽集清氛下輦降玄宴驚望分寰

隧曬曠盡都甸氣生川嶽陰煙滅淮海見中坐溢

朱組步欄遙瓊弁禮登佇睿情樂闕延皇眄測恩

躋愉逸泐牒情浮賤承榮重兼金選作榮重巡華

過盈瑱敢飾輿人詠方慙淥水薦

謝法曹惠連贈別

昨發赤亭渚今宿浦陽汭方作雲峯異豈伊千里
別芳塵未歇席零選作淥淚猶在袂入聲停艫望極浦

言
卷之三
弭棹阻風雪風雪既經時夜永起懷思汎濫北湖
遊茗李善作岩亭南樓期點翰詠新賞開表瑩所疑摘
芳愛氣馥拾藥憐色滋色滋畏沃若人事亦銷鑠
子衿怨勿往谷風誚輕薄共秉延州信無慙仲路
諾靈芝望三秀孤筠情所託所託已殷勤祇足攪
懷人今行嶮嶮外銜思至海濱覲子杳未偈款睇
在何辰雜珮雖可贈疏華竟無陳無陳心悄勞旅
人豈遊遨幸及風雪霽青春滿江臯解纜候前侶
還望方鬱陶煙景若離遠末響寄瓊瑤

王徵君微養疾

窈藹瀟湘空翠澗澹無滋寂歷百草晦歛吸鷓雞
悲清陰往來遠月華散前墀鍊藥矚虛幌汎瑟臥
遙帷水碧驗未黷金膏靈詎淄集作詎能淄北渚有帝
子蕩瀆不可期悵然山中暮懷痾屬此詩

袁太尉淑從駕

宮廟禮哀敬粉邑道嚴玄恭潔由明祀肅駕在祈
年詔徒登季月戒鳳藻行川雲旆象漢徙宸網擬
星懸朱櫂麗寒渚金鈹無犯切馬冠也映秋山羽衛藹流

言紀 卷之十三
景綵吹震沈淵辨詩測京國履籍鑒都鄺
玉律邑頌被丹弦文軫薄桂海聲教燭冰天和惠
頌上笏恩渥浹下筵幸侍觀洛後豈慕巡河前服
義方無沫展歌殊未宣

謝光祿莊郊遊

肅舫出郊際徒樂逗江陰翠山方藹藹青浦正沈
沈涼葉照沙嶼秋榮冒水濤風散松架險雲鬱石
道淡靜默集作然鏡縣野四睇亂層岑氣清知鴈引
露華識猿音雲裝信解蔽煙駕可辭金始整丹泉

術終覲紫芳心行光自容裔無使弱思侵

鮑參軍昭戎行

豪士枉尺璧宵人重恩光徇義非爲利執羈輕去
鄉孟冬郊祀月殺氣起嚴霜戎馬粟不煖軍士冰
爲漿晨上城臯坂磧礫皆羊腸寒集作雲陰籠白日
大谷晦蒼蒼息徒稅征駕倚劍臨八荒鷦鷯不能
飛玄武伏川梁鍛翮由時至感物聊自傷豎儒守
一經未足識行藏

休上人怨別

西北秋風至楚客心悠哉日暮碧雲合佳人殊未
來露彩方泛艷月華始徘徊寶書爲君掩瑤瑟詎
能開相思巫山渚悵望陽雲臺膏鑪絕沈燎綺席
生浮埃桂水日千里因之平生懷

學魏文帝

西北有浮雲繚繞華陰山惜哉時不遇入夜值霜
寒秋風聒地起吹我至幽燕幽燕非我國窈窕爲
誰賢少年歌且止歌聲斷客子

效阮公詩十五首

集作效古

歲暮懷感傷中夕弄清琴戾戾曙風急團團明月
陰孤雲出北山宿鳥驚東林誰謂人道廣憂慨自
相尋寧知霜雪後獨見松竹心

十年學讀書顏華尚美好不逐世間人鬪雞東郊
道富貴如浮雲金玉不爲寶一旦鷓一作鷓鴣鳴嚴
霜被勁草志氣多感失淚下沾懷抱

白露淹庭樹秋風吹羅衣忠信主不合辭意將訴
誰獨坐東軒下雞鳴夜已晞總駕命賓僕遵路起
旋歸天命誰能見人蹤信可疑

言終
卷之十三
飄飄恍惚中是非安所之大道常不驗金火每如
斯忼慨少淑貌便娟多令辭宿昔秉心誓靈明將
見期願從丹丘駕長弄華池滋

陰陽不可知鬼神惟杳冥暫試武帝貌一見李后
靈同情淪異物有體入無形賢聖共草昧仁智焉
足明變化未有極恍惚誰能精

若木出海外本自丹水陰羣帝共上下鸞鳥相追
尋千齡猶旦夕萬世更浮沈豈與異鄉士瑜瑕論
淺深

夏后乘兩龍高會在帝臺榮光河雒出白雲蒼梧
來侍御多賢聖升降有羣才四時有變化盛明不
徘徊高陽邈已遠竚立誰語哉

昔余登大梁西南望洪河時寒原野曠風急霜露
多仲冬正慘切日月少精華落葉縱橫起飛鳥時
相過搔首廣川陰懷歸思如何常願反初服閒步
潁水阿

宵月輝西極女圭映東海佳麗多異色芬葩有竒
采綺縞非無情光陰命誰待不與風雨變長共山

言終
卷之十三
十四
川在人道則不然消散隨風改

少年學擊劍從師至幽州燕趙兵馬地唯見古時
丘登城望山水平原獨悠悠寒暑有往來功名安
可留

擾擾當途子毀譽多埃塵朝生輿馬間夕歿衢路
濱藜藿應見棄勢位乃爲親華屋爭結綬朱門競
彈巾徒羨草木利不愛金碧身至德所以貴河上
有丈人

華樹曜北林芬芳空自宣秋至白雲起蟪蛄號庭
前中心有所思虛堂獨浩然安坐詠琴瑟逍遙可
永年

假乘試行遊北望高山岑翩翩征鳥翼蕭蕭松柏
陰感時多辛酸覽物更傷心性命有定理禍福不
可禁唯見雲際鷓江海自追尋

夕雲映西山蟋蟀吟桑梓零露被百草秋風吹桃
李君子懷苦心感慨不能止駕言遠行遊驅馬清
河浹寒暑更進退金石有終始光色俯仰間英艷
難久恃

詩經 卷之十三 十五
至人貴無爲裁寬守寂寥唯有馳騫士風塵在一
朝輿馬相跨躍賓從共矜驕天道好盈缺春華故
秋凋不知北山民商歌弄塲苗

清思詩五首

趙后未至麗陰妃非美極情理儻可論形有焉足
識帝女在河洲晦映西海側陰陽無定光襍錯千
萬色終歲如瓊草紅華長翕絕

師曠操雅操延子聆竒音玄鶴徒翔舞清角自浮
沈明瑄東南逝精絲西北臨白雲瑤池曲止

集作上

使淚淫淫

秋夜紫蘭生湛湛明月光偃蹇靈芝采容裔紫華
堂林木不拂蓋淇水寧漸裳倏忽南江陰照曜北
海陽從此長往來萬世無感傷

白露滋金瑟清風蕩玉琴空閨饒遠念虛堂生夜
陰茲夕一何哀明月沒西林世人重時暮道士情
亦淡願乘青鳥翼徑出玉山岑

至德不可傳靈龜不可侶草木還根蒂精靈歸妙
理我學杳冥道誰能測窮已須待九轉成終會長

沙市

傷內弟劉常侍

金壁自蕙質蘭杜信嘉名丹綵旣騰迹華萼故揚
聲伊余方罷秀歎息向君榮誰疑春光曷何遽秋
露輕遠心惜近路促景怨長情風至衣袖冷况復
蟪蛄鳴白露泔漢沼明月空漢生長悲離短意惻
切吟空庭注欵東郊外流涕北山垆

悼室人十首

佳人永暮矣隱憂遂歷茲寶燭夜無華金鏡晝恒
微桐葉生綠水霧天流碧滋蕙弱芳未空蘭溪鳥
思時湘醺徒有酌意塞不能持
適見葉蕭條已復花菴鬱帳裏春風盪簷前還燕
拂垂涕視去景摧心向徂物今悲輒流涕昔歡常
飄忽幽情一不弭守歎誰能慰

夏雲多襍色紅光鑠麤鮮苒弱屏風草潭拖

本集作施

曲池蓮黛葉鑑深水丹華香碧煙臨綵方自弔孽
氣以傷然命知悲不絕恒如注海泉
駕言出遊衍冀以滌心胸復值煙雨散清陰帶山

濃素沙匝廣岸雄虹冠尖峯出風舞森桂落日暖
圓松還結生不念楚客獨無容

秋至擣羅紈淚滿未能開風光肅入戶月華爲誰
來結眉向珠網瀝思視青苔髮局將成葆帶減不
須摧我心若涵煙蓋盍盍滿中懷

窻塵歲時阻閨燕日夜溪流黃夕不織寧聞梭杼
音涼靄漂虛座清香盪空琴蜻引知寂寥蛾飛測
幽陰乃抱生歿悼豈伊離別心

顛顛氣薄暮款款清衾單階前水光裂樹上雪花
團庭鶴哀以立雲雞肅且寒方東有苦淚承夜非
膏蘭從此永黯削萱葉焉能寬

杼悲情雖滯送往意所知空座幾時設虛帷無久
垂暮氣亦何勁嚴風照天涯夢寐無端際愀恍有
分離意念每失乖徒見四時虧

神女色姱麗乃出巫山湄逶迤羅袂下鄣日望所
思佳人獨不然戶牖絕錦綦感此增嬋娟屑屑涕
自滋清光澹且減低意守空帷

二妃麗瀟湘一有乍一無佳人承雲氣無下此幽

詩經 卷之十三 十八
都當追帝女迹出入泛靈輿掩映金淵側遊豫碧
山隅曖然時將罷臨風返故居

雲山讚四首

并序

壁上有襍畫皆作山水好勢仙者五六雲氣生
焉悵然會意題爲小讚云

王太子

一作王子喬

子喬好輕舉不待鍊銀丹控鶴去一作上窈窕學鳳
對嶺岼山無一春草谷有千年蘭雲衣不躑躅龍
駕何時還

陰長生

陰君惜靈骨珪璧詎爲寶日夜名山側果得金丹
道憂傷永不至光顏如碧草若渡西海時致意三
青鳥

白雲

紫煙世不覲赤鱗庖所捐白雲亦海外益益起三
山蕭瑟玉池上空裔帝臺前欲知青都裏乘此乃
登天

秦女

青琴既曠世綠珠亦絕羣猶不及秦女十五乘綵
雲壁質人不見瓊光俗詎聞願使洛靈往爲我道
奇芬

謝靈運

劍吳去終

詩紀卷之七十七

梁十四

范雲

字彥龍南鄉舞陰人初爲齊竟陵王府主簿歷始興內史遷廣州刺史免官少與梁武帝友善及武帝平建業以雲爲黃門郎與約同心翊贊遷散騎常侍吏部尚書卒諡曰文○詩品曰梁衛將軍范雲梁中書郎丘遲詩范詩清便宛轉如流風迴雪丘詩點綴映媚似落花依草故當淺於江淹而秀於任昉

巫山高

以下三首同謝朓賦

巫山高不極白日隱光輝靄靄朝雲去溟溟暮雨

歸巖懸獸無跡林暗鳥疑

一作驚

飛枕席竟誰薦相

望空

一作徒

依依

有所思

樂府作王融者非

如何有所思而無相見時宿昔夢顏色階庭尋履
綦高張更何已引滿終自持欲知憂能老為視鏡

中絲

當對酒

對酒心自足故人來共持方悅羅衿解誰念髮成
絲狗性良為達求名本自欺迨君當歌日及我傾
樽時

古意贈王中書

集曰覽古贈王中書融王融雜體報范通直詩見本

集

攝官青瑣闥遙望鳳皇池誰云相去遠脉脉阻光
儀岱山饒靈異沂水富英竒逸翮凌北海搏飛出
南皮遭逢聖明后來棲桐樹枝竹花何莫莫桐葉
何離離可栖復可食此外亦何為豈知鷓鴣者一
粒有餘貲

贈張徐州謾

田家樵採去薄暮方來歸還聞稚子說有客欸柴

扉儻從皆珠玳裘馬悉輕肥軒蓋照墟落傳瑞生
 光輝疑是徐方牧既是復疑非思一作懷舊昔言有
 此道今已微物情棄疵賤何獨顧衡闈恨不具雞
 黍得與故人揮懷情徒草草一作慙慙淚下空霏霏寄
 書雲間鴈為我西北飛

答句曲陶先生

廣文選作山中懷故人

終朝吐祥霧薄晚孕竒煙洞澗生芝草重崖出醴
 泉中有懷真士被褐守冲玄石戶栖千秘金壇謁
 九仙乘鷁方履漢轡鶴上騰天作上一且

貽何秀才

何遜答范記室雲詩見本集

桂葉竟穿荷蒲心爭出波有鷺驚蘋芰綿蠻弄藤
 蘿臨花空相望對酒不能歌聞君饒綺思摘挾足
 為多布鼓誠自鄙何事絕經過

答何秀才

何遜落日前墟望贈范廣州詩見本集

少年射策罷擢第雲臺中已輕淄水耄復笑廣州
 翁麟閣佇讐校虎觀遲才通方見雕篆合誰與畋
 漁同待爾金閨北余藝青門東

贈俊公道人

秋蓬飄秋甸寒藻泛寒池風條振風響霜葉斷霜
枝幸及清江滿無使明月虧月虧君不來相期竟
悠哉

初學記
作何時

別詩

孤煙起新豐候鴈出雲中草低金城霧木下玉門
風別君河初滿思君月屢空折桂衡山北摘蘭沅
水東蘭摘心焉寄桂折意誰通

渡黃河

河流迅且濁湯湯不可凌檜楫難爲榜松舟纔自
勝空庭偃舊木荒疇餘故塍不覩人行跡但見狐
兔興寄言河上老此水何當澄

治西湖

史氏導漳水西門漑河潮圖始未能悅克終良可
要擁鋪勸年首提爵勞春朝平臯草色嫩通林鳥
聲嬌已集故池鷺行蒔新田苗何吁畚築苦方驩
魚稻饒

傲古

寒沙四面平飛雪千里驚風斷陰山樹霧失交河

詩紀 卷之十四 四
城朝驅左賢陣夜薄休屠營昔事前軍幕今逐嫖
姚兵失道刑旣重遲留法未輕所賴今天子漢道
日休明

建除詩

建國負東海衣冠成營丘除道梁淄水結駟登之
罍滿座咸嘉友蘋藻絕時羞平望極聊攝直視盡
姑尤定交無恒所同志互相求執手歡高宴舉白
窮獻酬破琴豈重賞臨濠寧再儔危生一朝露螻
蟻將見謀成功退不處爲名自此收收名棄車馬
單步反蝸牛開渠納秋水相土播春疇閉門謝世
人何欲復何求

數名詩

一鼓有餘氣趨勇正紛紜二廣無遺畧雄虎自爲
羣三河尚擾攘楯櫓起橫楹四巡駐青蹕瘞玉曠
亭云五十又舒旆旗幟日繽紛六郡良家子慕義
輕從軍七獲美前載克俊嘉昔聞八音佇繁律將
以安司勳九命旣斯復金縢固宜分十難康有道
延首望卿雲

州名詩

司春命初鐸青耦肆中樊逸豫誠何事稻梁復宜
敦徐步遵廣隰冀以寫憂源楊柳垂塲圃荆棘生
庭門交情久所見益友能孰存

奉和齊竟陵王郡縣名詩

沈約王融同賦

撫戈金城外解珮玉門中白馬騰遠雪蒼松壯寒
風臨涇方辨渭安夷始和戎取禾廣田北驅獸飛
狐東新城多雉堞故市絕商工海西舟楫斷雲南
煙霧通罄節疇盛德宣力照武功還飲漁陽水歸

一作應轉杜陵蓬

贈沈左衛

伊昔霑嘉惠出入承明宮遊息萬年下經過九龍
中越鳥憎北樹胡馬畏南風願言反漁蓑津梁肯

一作昔見通

送沈記室夜別

桂水澄夜氛楚山清曉雲秋風兩鄉怨秋月千里
分寒枝寧共採霜猿行獨聞捫蘿正憶我折桂方
思君

送別

東風柳線長送郎上河梁未盡樽前酒妾淚已千
行不愁書難寄但恐髮將霜望懷白首約江上早
歸航

望織女

英華作梁武帝今從
藝文玉臺作范雲

盈盈一水邊夜夜空自憐不辭精衛苦河流未可
填寸情百重結一心萬處懸願作雙青鳥共舒明
鏡前

詠井

乃鑿長林曲有浚廣庭前卽源已爲浪因方自成
圓兼冬積溫水疊暑泌寒泉不甘未應竭旣涸斷
來翺

悲廢井

因舊未嘗改緣甘故先竭歷稔久無禽一朝見開
滌泌泉旣斯涌短綆將安設已獲丁氏利方見管
公練

登三山

仄逕崩且危叢巖聳復垂石藤多卷節水樹繞蟠

枝海中昔自重江上今如斯

之零陵郡次新亭

江干遠樹浮天末孤煙起江天自如合煙樹還相
似滄流未可源高飄去何已

閨思

春草醉春煙深閨人獨眠積恨顏將老相思心欲
然幾回明月夜飛夢到郎邊

酌修仁水賦詩 見事類賦

三楓何習習五渡何悠悠且飲修仁水不挹背邪

流

登城怨

楚妃歌修竹漢女奏幽蘭獨以閨中笑豈知城上

寒

詠桂樹

外編作庾信者非

南中有八樹繁華無四時不識風霜苦安知零落

期

詠寒松

修條拂層漢密葉障天濤凌風知勁節負雪見貞

心

園橘

芳條結寒翠圓

一作園

實變霜朱徙根楚州上來覆

廣庭隅

詠早蟬

生隨春冰薄質與秋塵輕端綏挹霄液飛音承露

清

擬古五雜組詩

三言

五雜組會淦山往復還兩峭關不得已孀與鰥

擬古

見何遜集

匣中一明鏡好鑒明鏡光明鏡不可鑒一鑒一情

傷

自君之出矣

自君之出矣羅帳咽秋風思君如蔓草連延不可

窮

擬古四色詩

丹如桓公廟青如夕郎門黑如南巖礪白如東山

猿

詩已

卷之十四 梁

九

四色詩四首

折柳青門外握蘭翠疏中綠蘋騁春日碧渚澹時風

差池朱鷺去續翻赤鴈歸澆潯丹魚聚聯翻血鳥飛

素鱗颺北渚白水杜南宛獻環潤玉塞歸珠照瓊轅

烏林葉將實墨池水就乾玄豹藏暮雨黑猿凌夜寒

別詩附見何遜集

洛陽城東西長作經時別昔去雪如花今來花似雪

述行詩

振策出燕代驅車背朔并翩翩朱蓋轉蕭蕭良馬

鳴闕

丘遲

字希範烏程人靈鞠之子在齊以秀才累遷殿中郎梁武帝平建業引為主簿及踐祚遷中書郎後遷司空從事中郎

九日侍宴樂遊苑

朱明已謝薜收司禮爰理秋被備揚旌檠奉璋峩
峩金貂濟濟上林弘敞離宮非一綵殿迴風丹樓
映日隨珠甲帳屯衛周悉睟容徐動天儀澄謐雲
物游颺光景高麗枯葉未落寒花委砌絲桐激舞
楚雅間慧參差繁響殷勤流詣

侍宴樂遊苑送張徐州應詔詩

沈約同賦

詰旦闐闐開馳道聞鳳吹輕萸承玉輦細草藉龍
騎風遲山尚響雨息雲猶積巢空初鳥飛荇亂新
魚戲寔爲北門重匪親孰爲寄參差別念舉肅穆
恩波被小臣信多幸投生豈酬義

旦發漁浦潭

漁潭霧未開赤亭風已颺櫂歌發中流鳴鞞響沓

障

一作嶂

村童忽相聚野老時一望詭怪石異象嶄

絕峯殊狀森森荒樹齊析析寒沙漲藤垂島易陟
崖傾嶼難傍信是永幽棲豈徒暫清曠坐嘯昔有
委臥治今可尚

夜發密巖口

弭棹纔假寐擊汰已爭先敞朗朝霞澈驚明曉魄

言終
卷之十四
懸萬尋仰危石百丈窺重泉叢枝上點點崩溜下
填填

敬酬柳僕射征怨

清歌自信妍雅舞空僊僊耳中解明月頭上落金
鈿雀飛且近遠暮入綺窻前魚戲雖南北終還荷
葉邊惟見君行久新年非故年

答徐侍中爲人贈婦

丈夫吐然諾受命本遺家糟糠且棄置蓬首亂如
麻側聞洛陽客金蓋翼高車謁帝時來下光景不
可奢幽房一洞啓二八盡芳華羅裙有長短翠髮
無低斜長眉橫玉臉皓腕卷輕紗俱看依井蝶共
取落簷花何言征戍苦抱膝空咨嗟

贈何郎

何遜答丘長
史詩見本集

向夕秋風起野馬雜塵埃憂至猶如繞詎是故人
來檐際落黃葉堦前網綠苔遙情不入酒望美信
難哉

題琴朴

一作
材

奉柳吳興

邊山此嘉樹搖影出雲垂清心有素體直幹無曲

詩紀
卷之十四
枝凡耳非所別君子特見知不辭去根本造膝仰
光儀

芳樹

芳葉已漠漠嘉賓復離離
發景傷雲屋凝暉覆翠
池輕蜂掇浮穎弱鳥隱深枝
一朝容色茂千春長
不移

望雪

氛氲發紫漢雜沓被朱城
倏忽銀臺構俄頃玉樹
生綿綿九軌合昭昭四區明

闕

玉堦春草

發溜始參差扶堦方沃若
雜葉半藏晴叢花未隱
雀歲蕤亂碧紫蒼黃間濃薄

闕

詩紀卷之十四

終

詩紀卷之七十八

梁十五

任昉

字彥昇樂安博昌人雅善屬文尤長載筆沈約一代詞宗淡所推挹仕齊為竟陵王

記室參軍司徒長史武帝踐阼拜黃門侍郎掌著作出為義興太守轉御史中丞出為新安太守為政清省吏民便之○詩品曰彥昇少年為詩不工故世稱沈詩任筆昉深恨之晚節愛好既薦文亦道變善銓事理拓體淵雅得國士之風但昉既博物動輒用事所以詩不得奇少年士子效其如此弊矣

為王嫡子侍皇太子釋奠宴

以下四言

在昔歸運阻亂弘多夷山製宇盪海為家風雲改

族日月增華欽聖茲遠懷道茲冲踐言動俗果行
移風進往一簣啓或三蒙冰實因水金亦在鎔惟
神知化在物立言樂正雅頌咸被後昆告莫明祀
觀道聖門日月不息師表常尊

贈王僧孺

梁書曰王僧孺由治書侍御史出爲唐
令初僧孺與樂安任昉遇竟陵王西邸
以文學友會及是將
之縣昉贈詩其略曰

惟子見知惟余知子觀行視言要終猶始敬之重
之如蘭如芷形應影隨曩行今止百行之首立人

斯著子之有之誰毀誰譽修名旣立老至何遽誰
其執鞭吾爲子御劉略班藝虞志荀錄伊昔有懷
交相欣勗下帷無倦升高有屬嘉爾晨燈惜余夜
燭

答劉居士

君子之道亦有其四高行絕俗盛德出類才同文
錦學非書肆望之可階卽之難至輟精天理躔象
少微人與俗異道與人違庭飛熠燿室滿伊威行
無轍跡理絕心機

言
九日侍宴樂遊苑

以下
五言

帝德峻韶夏王功書頌平共貫汾五勝獨道邁三
英我皇撫歸運時乘信告成一唱華鍾石再撫被
絲笙黃草歸維木梯山薦玉榮時來濁河變瑞起
溫洛清物色動宸眷民豫

一作
降皇情

奉和登景陽山

物色感神遊升高悵有闕南望銅駝街北走長楸
埒別澗宛滄溟疏山駕瀛碣奔鯨吐華浪司南動
輕柅日下重門照雲開九華澈觀閣隆舊恩奉圖

愧前哲

泛長溪

狗祿聚歸糧依隱謝羈勒絕物甘離群長懷思去
國長溪永東舍震區窮水域道遇垂綸叟聊訪問
津惑弭檝申九言無爲累牽纏長泛滄浪水平明
至曛黑

落日泛舟東溪

黝黝桑柘繁芑芑麻麥盛交柯溪易陰反景澄餘
映吾生雖有待樂天庶知命不學梁甫吟唯識滄

浪詠田荒我有役秩滿余謝病

濟浙江

昧旦乘輕風江湖忽來往或與歸波送乍逐翻流
上近岸無暇目遠峰更興想綠樹懸宿根丹崖頽
久壤

贈郭桐廬出谿口見候余既未至郭仍進

村維舟久之郭生方至

朝發富春渚蓄意恐相思涿令行春返冠蓋溢川
坻望久方來萃悲歡不自持滄江路窮此湍險方

自茲疊嶂易成響重以夜爰悲客心幸自弭中道
遇心期親好自斯絕孤遊從此辭

答何徵君

散誕羈鞅

一作勒

外拘束名教裏得性千乘同山林

無

一作亦

朝市勿以耕蠶貴空笑易農士宿昔仰高

山超然絕塵軌傾壺已等藥命管亦齊喜

一作壺已等藥

命管亦齊符璽

無為嘆獨遊若終

一作路

方同止

贈徐徵君

外編作吳均者非

促生悲永路早交傷晚別自我隔容微於焉徂歲

月情非山河阻意似江湖悅東臯有儒素杳與榮
名絕曾是違賞心曷用箴余缺眇焉追平生塵書
廢不閱信此伊能已懷抱豈暫輟何以表相思貞
松擅嚴節

答劉孝綽

南史曰孝綽繪之子年十四父黨沈約
任昉范雲等聞其名命駕造焉昉尤相
賞愛梁天監初孝綽起家著作
佐郎爲歸沐詩贈任昉昉報曰

閱水旣成瀾藏舟遂移壑彼美洛陽子投我懷秋
作久敬類誠言吹噓似嘲謔兼稱夏雲盡復陳秋

樹索詎慰耄嗟人徒深老夫託

一作徒然
老夫諾

直史兼

衰貶轄司專疾惡九折多美疹匪報庶良藥子其
崇鋒穎春耕勵秋穫

歸沐呈任中丞昉

劉孝綽

步出金華省還望承明廬壯哉宛洛地佳麗實
皇居虹蜺拖飛閣蘭芷覆清渠圓淵倒荷芰方
鏡寫簪裾白雲夏峰盡青槐秋葉踈自我從人
爵蟾兔屢盈虛殺青徒已汗司舉未云書文昌
愧通籍臨邛幸第如夫君多敬愛蟠木濫吹噓

言終
卷之十五
五
時時釋簿領騶駕入吾廬自唾誠礪硃無以儷
璠璣但願長閑暇酌醴薦焚魚

答到建安餉杖

故人有所贈稱以冒霜筠定是湘妃淚潛灑遂隣
彬扶危復防咽事歸薄暮人勞君尚齒意矜此杖
鄉辰復資後坐一作彦候余方欠伸獻君千里笑
紆我百憂嘖坐適雖有器臥遊苦無津何由乘此
竹直見平生親

餉任新安班竹杖因贈

到漑

中竹藉舊聞靈壽資前識復有冒霜筠寄生桂
潭側文彩旣斑爛質性甚綢直所以天天眞爲
有乘危力未嘗以過投屢經芸苗植

寄到漑

南史曰時漑爲建安太守
時昉寄詩求二彩段

鐵錢兩當一百易代名實爲惠當及時無待涼秋
日

答

到漑

余衣本百結閩中徒八蠶假令金如粟詎使廉

夫貪

別蕭諮議

衍

離燭有窮輝別念無終緒岐言未及申離目已先
舉揆景巫衡阿臨風長楸浦浮雲難嗣音徘徊悵
誰與儻有關外驛聊訪狎鷗渚

厲吏人講學

暮燭迫西榆將落誠南畝日余本踈惰頽暮積榆
柳踐境渴師臣臨政欽益友盱食願橫經終朝思
擁帚雖欣辯蘭艾何用闢蒿莠

苦熱

樂府作苦熱行

旭日煙雲卷烈日入東軒傾光望轉蕙斜日照西
垣既卷焦梧葉復傾葵藿根重簟無冷氣挾石似
懷溫霖霖類珠綴喘嚇狀雷奔

同謝朓花雪

土膏候年動積雪表晨暮散葩似浮玉飛英若總
素東序皆白珩西雝盡翔鷺山經陋蜜一作榮騷
人貶瓊樹

出郡傳舍哭范僕射三首

平生禮數絕式瞻在國楨一朝萬化盡猶我故人
情待時屬興運王佐俟民英結歡三十載生死一
交情携手遁衰孽接景事休明運阻衡言革時泰
玉階平濬冲得茂彥夫子值狂生伊人有涇渭非
余揚濁清將乖不忍別欲以遣離情不忍一辰意
千齡萬恨生

已矣平生事詠歌盈篋笥兼復相嘲謔常與虛舟
值何時見范侯還叙平生意

與子別幾辰經塗不盈旬弗覩朱顏改徒想平生
人寧知安歌日非君撤瑟晨已矣余何歎輟春哀
國均

嚴陵瀨

群峰此峻極參差百重嶂清淺旣漣漪激石復奔
壯神物徒有造終然莫能狀

詠池邊桃

已謝西王苑復揖綏山枝聊逢賞者愛栖趾傍蓮
池開紅春灼灼結實夏離離

王僧孺

東海郟人七歲能讀十萬言家貧嘗傭書以養母寫畢卽諷誦仕齊爲太學博士

士累遷尚書左部郎出為南康王長史蘭陵太守。○僧孺好書聚至萬餘卷其文麗逸多事用新

朱鷺

因風弄玉水映日上金堤猶持畏羅繳未得異鳧
鷺聞君愛白雉兼因重碧雞未能聲似鳳聊變色
如珪願識昆明路乘流飲復棲

鼓瑟曲有所思

夜風吹熠燿朝光照昔耶昔耶瓦松也幾銷藤蕪

葉空落蒲桃一作花不堪長織素誰能獨浣沙光

陰復何極望促反成賒知君自蕩子柰妾亦倡家

白馬篇

千里生冀北玉鞞黃金勒散蹄去無已搖頭意相
得豪氣發西山雄風擅東國飛鞚出秦隴長驅繞
岷嶰承謨若有神稟筭良不惑滌汨河水黃參差
嶂雲黑安能對兒女垂帷弄毫墨兼弱不稱雄後
得方為特此心亦何已君恩良未塞不許跨天山
何由報皇德

古意

一云遊俠。○英華作樂府。

青絲控燕馬紫艾飾吳刀朝風吹錦帶落日映珠
袍陸離關右客照耀山西豪雖非學詭遇終是任
逢遭人生會有死得處如鴻毛寧能偶雞鶩寂寞
隱蓬蒿

登高臺

陳祖孫登有宮殿名登高臺詩

試出金華殿聊登銅雀臺九路平如掌一作千門
洞已開軒車映日過簫管逐風來若非邯鄲美便
是洛陽才

湘夫人

桂棟承薜帷眇眇川之湄白蘋徒可望綠芷竟空
滋日暮思公子銜意嘿無辭

侍宴

麗景屬春餘清陰澄夏首交枝隱脩逕迴流影遙
阜徙帷轆輕筠移鑿拂高柳去矣勞茂績勉哉報
嘉誘小臣良不才消塵愧所守何用勝雕斲譬木
良如朽

又

一作侍宴景陽樓

迴輿避暑宮下輦迎風館散漫輕煙轉霏微商雲

言終
卷之十五
散蔓草巨巖垂高枝起天半回風稍驚水落光漸
斜岸妙舞駐行雲清歌入層漢醉顏暢有憚德音
良已粲

落日登高

憑高且一望目極不能捨東北指青門西南見白
社軫軫河梁上紛紛渭橋下爭利亦爭名驅車復
驅馬寧訪蓬蒿人誰憐寂寞者

中川長望

長川杳難卽四望四無極安流寧可值憤風方未
息危帆渡中懸孤光巖下曷岸際樹難辯雲中鳥
易識莫恨東復西誰知迂且直故鄉相思者當春
愛顏色獨寫千行淚誰同萬里憶

贈顧倉曹

洛陽十二門樓闕似西崑曖曖呆愚下相望隔畫
垣畫垣向阿閣栖鳳復栖鴛五曹均趨奏六尚等
便煩朝爐何馥馥夜錦有餘溫日中驅上駟驤首
遍京宛晨趨魏公子夕宿韓王孫夙昔今何在生
平棄不論譬如菴施草心謝葉空存誰復三承睫

言終
卷之十五
十一
獨念九飛魂

秋日愁居答孔主簿

首秋雲物善晝暑旦猶清日華隨水汎樹影逐風
輕依簾野馬合當戶昔耶生物我一無際人鳥不
相驚儻過北山北聊訪法高卿

法真字高卿見後漢逸民傳

至牛渚憶魏少英

楓林暖似畫沙岸淨如掃空籠望懸石回斜見危
島綠草閑遊蜂青葭集輕鴉徘徊洞初月浸淫潰
春潦非願歲物華徒用風光好

寄何記室

思君不得見望望獨長嗟夜風入寒水晚露拂秋
花何由假日御暫得寄風車

忽不任愁聊示固遠

去秋客舊吳今春投故越淚逐東歸水心挂西斜
月未應歲貶顏直以憂殘髮

爲何庫部舊姬擬薜蘿之句

出戶望蘭薰寒簾正逢君歛容裁一訪新知詎可
聞新人含笑近故人含淚隱妾意在寒松君心逐

朝槿

何生姬人有怨

寒樹栖羈雌月映風復吹逐臣與棄妾零落心可知
寶琴徒七絃蘭燈空百枝顰容不足効啼粧拭
復垂同衾成楚越異國非化離

爲人傷近而不見

羸女鳳凰樓漢姬栢梁殿詎勝仙將死音容猶可
見我有一心人同鄉不異縣異縣不成隔同鄉更
脉脉脉脉如牛女何由得一語

月夜詠陳南康新有所納

一作陳南康新納姬

二八人如花三五月如鏡開簾一種色當戶兩相
映重價出秦韓高名入燕鄭十城屢請易千金幾
爭聘君意自能專妾心本無競

詠擣衣

足傷金管遽多愴緹光促露團池上紫風飄庭裏
綠下機鷺西眺鳴砧遽東旭芳汗似蘭湯彫金辟
龍燭散度廣陵音摻寫漁陽曲別鶴悲不已離鸞
斷還一作更續尺素在魚腸寸心憑鴈足

言系
卷之十三
與司馬治書同聞隣婦夜織

洞房風已激長廊月復清
藹藹夜庭廣飄飄曉帳
輕雜聞百蟲思偏傷一鳥聲
鳥聲長不息妾心復
何極猶恐君無衣夜夜當
牕織

爲人述夢

見宋刻玉臺新
詠時本不載

工知想成夢未信夢如此
皎皎無片非的的一皆
是以親芙蓉褥方開合歡
被雅步極嬌妍含辭恣
委靡如言非倏忽不意成
俄爾及寤盡空無方知
悉虛詭

侍宴景陽樓

詩彙作鮑
照者非

金鋪爍可鏡桂棟儼臨雲
沾觴均飲德服道驗朝
聞詎論禹無間非耻堯爲
君小臣亦何者短翮屢
追群

春日寄鄉友

旅心已多恨春至尚離群
翠枝結斜影綠水散圓
文戲魚兩相顧遊鳥半藏
雲何時不憫默是日最
思君

夜愁示諸賓

簷露滴為珠池水合成壁萬行朝淚瀉千里夜愁
積孤帳閉不開寒膏盡復益誰知心眼亂看朱忽
成碧

送殷何兩記室

掩袖出南浦驅車送上征飄飄曉雲駛潏潏旦潮
平不肖余何惜無貲爾勿輕儻有還書便一言訪
死生

春閨怨

愁來不理髮春至更攢眉悲看蛺蝶粉泣望蜘蛛

絲月映寒蛩褥風吹翡翠帷飛鱗難託意駛翼不

銜辭

銜一作綴

秋閨怨

斜光隱西壁暮雀上南枝風來秋扇屏月出夜燈
吹深心起百際遙淚非一垂徒勞妾辛苦終言君
不知

詠寵姬

及君高堂還值妾妍粧罷曲房寒錦帳迴廊步珠
屣玉釵時可挂羅襦詎難解再顧連城易一笑

一作

賄千金買

在王晉安酒席數韻

藝文作詠姬人

窈窕宋華容但歌有清曲轉盼非無以斜眉幸相
矚詎減許飛瓊多勝劉碧玉何因送款款半飲杯
中醪

為人寵姬有怨

可憐獨立樹枝輕根易搖已為露所浥復為風所
飄錦衾篔不開端坐夜及朝是妾愁成瘦非君重
細腰

為姬人自傷

一作為姬人怨

自知心裏恨還向影中羞迴持昔慊慊變作今悠
悠還君與妾扇

一作釵

歸妾奉君裘斷絃猶可續心

去最難留

為人有贈

碧玉與綠珠張盧復雙女曼聲古難匹長袂世無
侶似出鳳凰樓言發瀟湘渚幸有褰裳便含情寄

一語

見貴者初迎盛姬聊為之詠

久想專房麗未見傾城者千金訪繁華一朝遇容
冶家本薊門外來戲叢臺下長卿幸未匹文君復
新寡

傷乞人

少年空扶轍白首竟填溝葦蓆何由足菽藿不能

周自顧非好乞行且欲包羞勞君款曲問冒此殷

勤酬

春思絕句

此詩諸家並作僧孺玉臺新本誤作吳均外編因之非也

雪罷枝即青冰開水便綠復聞黃鳥聲全作相思

曲

為徐僕射妓作

日晚應歸去上客強盤桓稍知玉釵重漸見羅襦

寒

詩紀卷之七十八

終

詩紀卷之七十九

梁十六

張率

字士簡吳郡人年十二能屬文稍進作賦頌至年十六向二千許首起家齊著作佐郎遷尚書殿中郎太子洗馬武帝霸府建引為相國王簿嘗為待詔賦武帝手勅曰相如工而不敏枚臯速而不工卿兼之矣遂遷秘書丞後遷黃門侍郎出為新安太守卒

短歌行

四言

君子有酒小人鼓缶乃布長筵式宴親友盛壯不
畱容華易朽如彼槁葉有似過牖往日莫淹來期
無久秋風悴林寒蟬鳴柳悲自別溪歡由會厚豈

言終 卷之十六
云不樂與子同壽我酒既盈我有伊臯短歌是唱孰知身後

遠期

以下
五言

遠期終不歸節物坐將

一作
遷

變白露愴單衣

一作
栖

秋風息團扇誰能久別離他鄉且異縣浮雲蔽重山相望何時見寄言遠期者空閨淚如霰

愴玉臺
作濕

對酒

對酒誠可樂此酒復芳

一作
能

醇如華良可貴似乳

更非珍何當留上客爲寄掌中人金樽清復滿玉
枕亟來親誰能共遲暮對酒惜芳辰君歌尚未罷
却坐避梁塵

日出東南隅行

朝日照屋梁夕月懸洞房專遽自稱艷獨伊覽
光雖資自然色誰能棄薄妝施著見朱粉點畫示
頰黃含貝開丹吻如羽發清揚金碧旣簪珥綺縠
復衣裳方領備蟲彩曲裙雜鴛鴦手操獨繭緒唇
凝脂燥黃

相逢行

相逢夕陰街獨趨尚冠里高門既如一甲第復相
似憑軾日欲昏何處訪公子公子之所在所在良
易知青樓出上路漸臺臨曲池堂上撫流徽雷罇
朝夕施橘柚分華實朱火燎金枝兄弟兩三人冠
珮紛陸離朝從禁中一作門出車騎並驅馳金鞍馬
腦勒聚觀路傍兒入門一顧望鳧鵠有雄雌雄雌
各數千相鳴戲羽儀並在東西立群次何離離大
婦刺方領中婦抱嬰兒小婦尚嬌稚端坐吹參差
丈夫無遽起神鳳且來儀

走馬引

良馬龍爲友玉珂金作羈馳騫宛與洛半驟復半
馳倏忽而千里光景不及移九方惜未見薛公寧
所知歛轡且歸去吾畏路傍兒

滄海雀

大雀與黃口來自滄海區清晨啄原粒日夕依野
株雖憂鷲鳥擊長懷涕鬪虞况復隨時起翻飛不
可拘寄言挾彈子莫賤隋侯珠

楚王吟

章臺迎夏日夢遠感春條風生竹籟響雲垂草綠
饒相看重束素唯欣爭細腰不惜同從理但使一
聞韶

清涼

登臺待初景帳殿謁餘晨羅帳夕風濟清氣尚波
人長簟涼可仰平筦溫未親幸願同枕席爲君橫
自陳

玄雲

壞陣壓峨壘遮牕暗思屏映日斜生海跨樹似鵬

飛夢山妾已去落靨何由歸

白紵歌九首

七言

歌兒流唱聲欲清舞女趨節體自輕歌舞並妙會

人情依

一作調

絃度曲婉盈盈揚蛾爲態誰目成

妙聲屢唱輕體飛流津染面散芳菲俱動齊息不
相違令彼嘉客澹忘歸時久翫夜明星稀

日暮牽門望所思風吹庭樹月入帷涼陰旣滿草
蟲悲誰能離別長夜時流歎不寢淚如絲與君之

別終何知

一作如

言糸
卷之十六
四
秋風鳴

一作蕭

條露垂葉空閨光盡坐愁妾獨向長

夜

一作獨問長安

淚承睫山高水溪路難涉望君光景何

時接

遙夜方遠時既寒秋風蕭瑟白露團佳期不待歲
欲闌念此遲暮獨無歡鳴絃流管增長歎

夜寒湛湛夜未央華燈空爛月懸光從風衣起發
芬香爲君起舞幸不忘

列坐華筵紛羽爵清曲未終月將落歌舞及時酒
常酌無令朝露坐銷鏢

愁來

一作多

夜遲猶歎息撫枕思君終反側金翠釵

環稍不飾霧縠流黃不能織但坐空閨思何極欲
以短書寄飛翼

遙夜忘寐起長歎但望雲中雙飛翰明月入牖風
吹幔終夜悠悠坐申旦誰能知我心中亂終然有
懷歲方晏

長相思二首

雜言

長相思久離別美人之遠如雨絕獨延佇心中結
望雲雲去遠望鳥鳥飛滅空望終若斯珠淚不能

雪
長相思久別離所思何在若天垂鬱陶相望不得
知玉階月夕映羅帷風夜吹長思不能寢坐望天
河移

詠霜

駟見視乾度鍾鳴測地機秋冬交代序申霜白綏
綏原野生暮靄堦堦散夕霏徘徊總嚴氣悵望淪
清輝平臺寒月色池水愴風威凝陰同徂夜遶鴈
獨歸飛縈叢亂蕪絕繁林紛已稀貞松非受令芳

草徒具腓

太廟齋夜

潔齋謝紛華一作寂寥清廟靜肅襟視牲盛端服

侍嚴省

詠躍魚應詔

戢鱗隱繁藻頌首承淥漪何用遊溟澥且躍天淵
池

柳惲

字文暢河東解人也少有志學工為詩善尺牘齊竟陵王引為法曹參軍累遷太子

洗馬試守鄱陽相還除驃騎從事中郎武帝至京邑惲候謁石頭以為冠軍將軍征東府

司馬天監初除長史累遷左民尚書廣州刺史徵為秘書監復為吳興太守為政清靜民吏懷之感疾卒

江南曲

汀洲採白蘋日暖江南春洞庭有歸客瀟湘逢故人故人何不返春花復應一作將晚不道新知樂祇言行路遠

長門怨

玉壺夜悄悄應門重且深秋風動桂樹流月搖輕陰綺簷清露溼一作滴網戶思蟲吟歎息下蘭閣含

愁奏雅琴何由鳴曉佩復得抱宵衾無復金屋念豈照長門心

度關山

少長一作長安倡家女出入燕南垂唯持德自美本以容見知舊聞關山遠何事總金羈妾心日已亂秋風鳴細枝

起夜來

城南斷車騎閣道覆青埃露華光翠網月影入蘭臺洞房且莫掩應門或復開颯颯秋桂響非君起

夜來

獨不見

別島望雲臺天淵臨水殿芳草生未積春花落如
霰出從張公子還過趙飛鸞奉帚長信宮誰知獨
不見

芳林篇

芳林曄兮發朱榮時既晚兮隨風零隨風零兮返
無期安得陽華遺所思

贈吳均三首

寒雲晦滄洲奔潮溢南浦相思白露亭永望秋風

渚心知別路長誰一作謂若燕楚關候日遼絕如

何一作附行旅願作野飛鳥飄然自輕舉

遠遊濟伊洛秣馬度清漳邯鄲饒一作美女艷色

含春芳鼓瑟未成曲踏屣一作躑躅復翱翔我本遊客

子情愛在淮陽新知誰不樂念舊苦人腸

夕宿飛狐關晨登磧礫坂形為戎馬倦思逐征旗

遠邊城秋霰來寒鄉春風晚始信隴雪輕漸覺寒

雲卷徃役命所當念子加飡飯

雜詩

雲輕暮色轉草綠晨芳歸山墟罷寒晦園澤閨朝
暉春心多感動睹物情復悲自君之去矣蘭堂罷
鳴機徒知遊宦是不念別離非

七夕穿針

代馬秋不歸緇紈無復緒迎寒理衣縫映月抽織
縷的皪愁睇光連娟思眉聚清露下羅衣秋風吹
玉柱流陰稍已多一作流景對秋夕餘光欲誰與一作難取

詠薔薇

當戶種薔薇枝葉太葳蕤不搖香已亂無風花自
飛春閨不能靜開匣理明妃曲池浮采采斜岸列
依依或聞好音度時見銜泥歸且對清醑湛其餘
任是非

奉和竟陵王經劉瓛墓下

見謝眺集

西河寂高業北海望清塵音微誰與寄尚德在伊
人遺文重昭晰絕緒復紛綸露華白朝日蘭生無
久春芳猷動淵思撫軾履高辰山風起寒木野雀
亂秋榛壠草時易宿素軌邈難遵

擣衣詩五首

南史曰憚以貴公子且有令名少工篇什為詩云亭臯木葉下隴首秋雲飛王融見而賞差

孤衾引

一作紛

思緒獨枕愴

一作悵

憂端深庭秋草綠

高門白露寒思君起清夜促柱奏幽蘭不怨飛蓬

苦徒傷蕙草殘

行役滯風波游人淹不歸亭臯木葉下隴首秋雲

飛寒園夕鳥集思牖草蟲悲嗟矣當春服安見禦

冬衣

鶴鳴勞永歎採葉傷時暮念君方遠遊望

藝文作賤

妾

理紈素秋風吹綠潭明月懸高樹佳人飾淨容招

携從所務

步欄杳不極離堂肅已扃軒高夕杵散氣爽夜礎

鳴瑤華隨步響幽蘭逐袂生踟躕理金翠容與納

宵清

泛艷迴煙綵淵旋龜鶴文淒淒合歡袖冉冉蘭麝

芬不怨杼軸苦所悲千里分垂泣送行李傾首遲

歸雲

詠席

見謝眺集

照日汀洲際搖風淥潭側雖無獨蠶輕幸有青袍
色羅袖少輕塵象牀多麗飾願君蘭夜飲佳人時
宴息

從武帝登景陽樓

以下闕文

南史曰武帝與宴必詔憚賦詩嘗和武帝登景陽樓篇深見賞美當時咸共稱傳

游
太液滄波起長楊高樹秋翠華承漢遠雕輦逐風

贈吳均二首

山桃落晚紅野蕨開初紫雲日自清明蘋芷齊
靡離念已鬱陶物華復如此

禽
秋風度關隴楚客奏歸音颯颯避霜葉離離山塞

詩紀卷之七十九

終

詩紀

卷之七十九

梁

詩紀卷之八十

梁十七

庾肩吾

字子慎新野人八歲能賦詩初為晉安王常侍王為太子兼通事舍人除安西

湘東二王錄事參軍累遷中庶子初簡文帝在藩雅好文士肩吾亦預其選簡文即位肩吾為度支尚書侯景矯詔遣肩吾喻當陽公大心尋舉州降肩吾因逃赴江陵未幾歷江州刺史領義陽太守卒

樂府

長安有狹斜行

長安有曲陌曲陌不容幘路逢雙綺襦問君居近

遠我居臨御溝可識不可求長子登麟閣次子侍
龍樓少子無高位聊從金馬遊三子俱來下左右
若川流三子俱來入高軒映彩旒三子俱來宴玉
柱擊清甌大婦襲雲裘中婦卷羅幃少婦多艷冶
花鈿繫石榴夫君且安坐歡娛方未周

賦得有所思

佳期竟不歸春日坐芳菲拂匣看離鏡一作開箱
見別衣井梧生未合宮槐卷復稀不及銜泥燕從
來相逐飛

有所思

樂府作
昭明

佳人遠于隔乃在天一方望望江山阻悠悠道路
長別前秋葉落別後春花芳雷歎一聲響雨淚忽
成行悵望情無極傾心還自傷

洛陽道

微道臨河曲層城傍洛川金門纔出柳桐井半舍
泉日起杲恩外車迴雙闕前潘生時未返遙心徒
眷然

賦得橫吹曲長安道

言終
卷之七
桂宮連複道黃山開廣路遠聽平陵鐘遙識新豐
樹合殿生光彩離宮起煙霧日落歌吹還一作塵
飛車馬度

以妾換馬

渥水出騰駒湘川實應圖來從西北道去逐東南
隅琴聲悲玉匣山路泣薜蘿似鹿將含笑千金會
不俱

隴西行

借問隴西行何當驅馬征草合前迷路雲濃後暗

城寄語幽閨妾羅袖勿空縈

未央才人歌

從來守未央轉欲訝春芳朝風凌日色夜月奪燈
光相逢儻游豫暫爲卷衣裳

侍宴應令

以下詩

副君時暇豫曾城聊近遊清池寫飛閣踈樹出龍
樓北陸冰方壯西園春欲周梅心芳屢動蒲節促
難抽徒然欣並命無以廁應劉

侍宴宣猷堂應令

副君德將聖陳王才揆天歸來宴平樂置酒對林
泉鑪香雜山氣殿影入池漣艷舞時移節新歌屢
上絃聽曲慙迴顧思經徒欲眠

侍宣猷堂宴湘東王應令

陳王驂駕反副后西園遊並命登飛閣列坐對芳
洲桂巖逢暮序菊水值窮秋竹逕簫聲發桐門琴
曲愁一作幽徒奉文成誦空知思若抽

侍宴餞湘州刺史張續

洞庭資善政層城送遠離九歌揚妙曲八桂動芳
枝雨足飛春殿雲峰入夏池郢路方遼遠湘山轉
蔽虧何當好風日極望長沙垂

侍宴餞張孝總應令

外編作吳均者非

層臺臨迴漲耿耿晴煙上欲送分符人翻似河隄
望寒雲暗積水秋雨蒙重嶂別念動神襟華文切
離貺慙無寡和曲空陪郢中唱

三日侍蘭亭曲水宴

策星依夜動鑿駕總朝遊旌門臨苑樹相風出鳳
樓春生露泥泥天覆雲油油桃花舒玉澗柳葉暗

金溝襖川分曲洛帳殿掩芳洲
踴躍頰魚出參差
絳棗浮百戲俱臨水千鍾共逐流

九日侍宴樂游苑應令

轍跡光周巡遊盛夏功鉤陳萬騎轉閭闔九關
通秋暉逐行漏朔氣繞相風獻壽重陽節迴鑾上
苑中疏山開輦道間樹出離宮玉醴吹巖

一作承苑菊

銀牀落井桐御梨寒更紫仙桃秋轉紅飲羽山西
射浮雲冀北驄塵飛金埒滿葉破柳條空騰猿疑
矯箭驚鴈避虛弓彫材濫杞梓花綬接鳩鴻愧乏

天庭藻徒參文雅雄

從皇太子出玄圃應令

春光起麗譙屣步陟山椒閣影臨飛蓋鷲鳴入洞
簫水還登故渚樹長蔭前橋綠荷生綺葉丹藤上
細苗顧循慙振藻何用擬瓊瑤

奉和泛舟漢水往萬山應教

桂棹棠棠船飄揚橫大川映巖沈水底激浪起雲
邊迥岸高花發春塘細柳懸陪歌承睿賞接醴侍
恩筵誰云李與郭獨得似神仙

言系
卷之十一
五
山池應令

簡文有
山池詩

閨苑秋光暮金塘牧

疑作
收

潦清荷低芝蓋出浪涌

燕舟輕逆湍流棹唱帶谷聚笳聲野竹交臨浦山
桐迥出城水逐雲峰閨寒隨殿影生

奉使北徐州叅丞御

炎農稱卷領唐勛載允恭猶將表世盛尚且號民
從未如今聖主比德邁前蹤格天垂禮樂寰海置
提封粉榆諒昔社方門有舊墉故鄉深帝念巡狩
及時雍禁園周百里離宮卽九重浮橋還瀉渭抗

殿本䟽龍過沛追鄉飲歸宛盛禮容千金登禹膳
萬壽獻堯鐘依然對白水眷言懷赤松迴天隨輦
道駐日逐戈鋒路遠大風積山長佳氣濃年光正
婉婉春樹轉丰茸竹葉合初籜莫枝發早藂瑞木
翻無鳥祥花更少蜂咸英起雲鳳率舞間笙鏞海
鷗時出沒江鱣乍唼喁雲邊開鞏樹霧裏識堯峯
小人濫趨走虛薄愧無庸皇恩不可報河清徒易
逢

和衛尉新渝侯巡城口號

簡文帝王
筠同賦

維城寄右戚巡警屬勤王南瞻通灞岸北眺指橫
茫入漢飛延閣臨雲出建章步逐天津遠城隨秋
夜長露槐落金氣風寮上新涼

關

遊甌山

苑詩類選作
沈約者非

平子去已久餘風今復追未必遊春草王孫自不
歸路高村反出林長鳥更稀寒雲間石起秋葉下
山飛西河方閱訓詎得解朝衣

蔬圃堂

梁武帝有天安
寺蔬圃堂詩

北宮

一作
堂

多暇豫時駕總鑿鑣路靜繁葭撤輪移

羽蓋飄臨空坐飛觀回首望浮橋風長曙鐘近地
迥洛城遙踈林不礙日涸浦暫通潮徒然等賓從
並作愧羣僚

尋周處士弘讓

試逐赤松遊披林對一丘梨紅大谷晚桂白小山
秋石鏡菱花發桐門琴曲愁

一作
道

泉飛疑度雨雲

積似重樓王孫若不去山中定可留

賦得嵇叔夜

山林重明滅風月臨躡塵著書惟隱士談玄止谷

神鴈重翻傷性蠶寒更養身廣陵餘故曲山陽有
舊隣俗儉寧妨患才多反累身寄言山吏部無以
助庖人

和太子重雲殿受戒

皇明執東曜帝宸居北辰小乘開治道大覺拯蒼
民殊塗同義路分流合智津傳香引上德列伎進
名臣連閣翻如畫圖雲更似真鏡山銜殿影梅梁
落梵塵苑桂恒畱雪花不待春萬年逢瑞應千
生值法身天衣初拂石豆火欲燃薪重善終無報

一作無
論報

輕毛庶有因

詠同泰寺浮圖

和簡文
下同

望園臨柰苑王城對鄴宮還從飛閣內遙見崛山
中

崛山者
崛山也

天衣疑拂石鳳翅欲凌空雲薨猶帶雨

蓮井不生桐盤承雲表露鈴搖天上風月出琰含
采天晴幡帶虹周星疑更落漢夢似今通我后情

藝文
作懷

初照不與伊川同方應捧馬出永得離塵蒙

賽漢高廟

昔在唐山曲今承紫貝壇寧知臨楚岸非復望長

言終
卷之七
安野曠秋先動林高葉早殘塵飛遠騎沒日徒一作
過半峯寒徒然仰成誦終用試才難

亂後經夏禹廟

金簡泥初發龍門鑿始通配天不失舊爲魚微此
功林堂上偃蹇山殿下穹隆侵雲似天闕照水類
河宮神來尊赤豹仙女擁飛鴻松龕撤暮俎棗逕
落寒叢仙舟還入鏡玉軸更乘空去國嗟行邁離
居泣轉蓬月起吾一作吳山北星臨天漢中申胥猶
有志荀息本懷忠待見攬搶滅歸來松栢桐

亂後行經吳郵亭

外編作度信者非

郵亭一回望風塵千里昏青袍異春草白馬卽吳
門獯戎鯁伊洛襍種亂轅轅輦道同關塞王城似
太原休明鼎尚重秉禮國猶存殷牖爻雖贖堯城
吏轉尊泣血悲東走橫戈念北奔方憑七廟略誓
雪五陵冤人事今如此天道共誰論御亭吳大帝所建在晉陵

今作郵誤也

經陳思王墓

公子獨憂生丘壠擅餘名採樵枯樹盡犁田荒隧

平寧追宴平樂詎想謁承明日旦余來錫命兼言事
結成飄飄河朔遠颭颭颭颭風鳴鴈與雲俱陣沙將
蓬共驚枯桑落古社寒鳥歸孤城隴水哀葭曲漁
陽慘鼓聲離家來遠客安得不傷情

過建章故臺

魯國觀遺殿韓城想舊臺仲宣原隰滿子建悲風
來夏蓮猶反植秋牕尚左一作不開圖雲仍溜一作洩
雨畫水卽生苔及君歡四望知余念七哀

和劉明府觀湘東王書

陳王擅書府河間富典墳五車方累篋七閣自連

雲松槩

鏗廉反

芳帙氣栢燠

許運反

起厨文羽陵青簡

出媯泉綠字分方因接遊聖暫得奉朝聞峰樓霞
早發林殿日先曛洛城復接隈歸軒畏後群

和竹齋

百拱橫筇節千櫨跨篋竿迴龍仍作柱置笛且成
樂向嶺分花徑隨階轉藥欄蜂歸憐蜜熟燕入重
巢乾欲仰天庭揆終知學步艱

從駕喜雨

西嶽浮樽桂東皇事浴蘭赦詔還京兆歸神出灌
壇濕風含酒氣陰雲助麥寒典農欣受職治粟喜
當官復此隨車雨民天知可安

奉和春夜應令

春牖對芳洲珠簾新上鈎燒香知夜漏刻燭驗更
籌天禽一作下北閣一作織女入西樓月皎疑非
夜林踈似更秋水光懸蕩壁山翠下添流詎假西
園讌無勞飛蓋遊

奉和武帝苦旱

陽山蛇不螫洳澤鳥猶攢甍息流膏雨將似怨祁
寒文衣夜不臥蔬食晝忘餐潔誠同望祀惟馨等
浴蘭江蘋享上帝荆壁奠高巒繁雲與岳立蒸穴
動龍蟠涓渠還積水滌池更起瀾

奉和太子納涼梧下應令

和簡文

北園涼氣早步輦暫逍遙避日交長扇迎風列短
簫山帶彈琴曲桐橫棲鳳條懸門開溜水錦石鎮
浮橋黑米生菰葉一作青花出稻苗無因學仙藻
雲氣徒飄颻

芝草

踟躕玩芝草淹留攀桂叢
桂叢方偃蹇芝葉正玲瓏
如龍復如馬成闕復成宮
黃金九華發紫蓋一作
六英通隱士蒼山北仙神
海穴東隨丹聊變水
獨搖不須風

詠美人

絳樹及西施俱是好容儀
非關能結束本自細腰肢
鏡前難並照相將映淥池
看粧畏水動歛袖避風吹
轉手齊裾亂橫簪歷髮垂
曲中人未取誰堪白日移
不分他相識唯聽使君知

送別於建興苑相逢

相逢小苑北停車問苑中
梅新雜柳故粉白映綸紅
去影背斜日香衣臨上風
雲流階漸黑冰開池半通
去馬船難駐啼鳥曲未終
眷然從此別車西馬復東

侍宴

一作侍宴景陽樓應令

沐道逢將聖飛觴屬上賢
仁風開美景瑞氣動非煙
秋樹翻黃葉寒池墮黑蓮
承恩謝命淺念報在

言終
卷之十七
十三
身
前

侍宴餞湘東王應令

陳王從遊士高宴入承華並載同連壁雕文類簡
沙落猿時動樹墜雪暫搖花念此離筵促方愁別
路賒

餞張孝總應令

外編作吳均者非

江上早寒生蕭條鏡管清別筵開帳殿離舟卷幔
城前山黃葉起對岸白沙驚臨渦同極望竊吹愧
才輕

侍宴餞東陽太守范子雲

范當作蕭

東部資良守北宮敦獻酬新枝漸接樹故凍欲含
流早花少餘雪春寒極晚秋徒嗟白岸遠空想赤
松遊

和晉安王薄晚逐涼北樓回望應教

向夕紛誼屏追涼飛觀中樹影臨城日牕含度水
風遙天如接岸遠帆似凌空陪文慙宋玉徒等侍
蘭宮

贈周處士

九丹開石室三徑沒荒林仙人翻可見隱士更難
尋籬下黃花菊丘中白雪琴方欣松葉酒自和遊

山吟

李蕭遠有
遊山九吟

新林送劉之遴

旆轉黃山路舟纒白馬津送輪時合憶分驂各背
塵常山喜臨岱隴頭悲望秦欲持漢中策還以贈
征人

奉使江州舟中七夕

九江逢七夕初弦值早秋天河來映水織女欲攀

舟漢使俱爲客星槎共逐流莫言相送浦不及穿
針樓

南苑看人還

春花競玉顏俱折復俱攀細腰宜窄衣長釵巧挾
鬟洛橋初度燭青門欲上關中人應有望上客莫
前還

詠美人看畫應令

和簡
文

欲知畫能巧喚取真來映並出似分身相看如照
鏡安釵等踈密著領俱周正不解平城圍誰與丹

青競

奉和藥名詩

簡文元帝皆有藥名詩

英玉牧荆楚聽訟出池臺督郵稱蝗去亭長說烏
來行塘朱鷺響當道赤帷開馬鞭聊寫賦竹葉暫
傾杯

看放市

旗亭出御道遊目暫迴車既非隨舞鶴聊思索枯
魚懸龜識季主榜酒見相如日中人已合黃昏故
未踈

和望月

桂殿月偏來畱光引上才圓隨漢東蚌暈逐淮南
灰渡河光不濕移輪轍詎開此夜臨清景還承終
宴杯

和徐主簿望月

樓上徘徊月牕中愁思人照雪光偏冷臨花色轉
春星流時入暈桂長欲侵輪願以重光曲承君歌
扇塵

詠風

言終
卷之七
十五
宋地鷓飛初湘川燕起餘掃一作壇聊動竹吹薤
欲成書蒼梧洞猶在一作蒼崦合浦樹應踈陽鳥
一轉翅千里定非虛

詠花雪

瑞雪墜堯年因風入綺錢飛花灑庭樹凝瑛結井
泉寒光晦八極同雲暗九天已飄黃竹路共慶白
渠田

春日

桃紅柳絮白照日復隨風影出朱城外香歸青殿

中水映寄生竹山橫半死桐頒文知渥重搦札媿
才空

七夕

玉匣卷懸衣針樓開夜扉姮娥隨月落織女逐星
移離前忿促夜別後對空機倩語雕陵鵲填河未
可飛

歲盡應令

歲序已云殫春心不自安聊開栢葉酒試奠五辛
盤金薄圖神燕朱泥却一作鬼丸梅花應可折倩

言
卷之十七
十六
爲雪中看

賦得山

層雲霾峻嶺絕澗倒危峰刻削臨千仞嗟峨起百
重行曦上杳杳結霧下溶溶仁心畱此屬休奉愧
羣龍

同蕭左丞詠摘梅花

牕梅朝始發庭雪晚初消折花牽短樹攀叢入細
條垂冰溜玉手含刺骨春腰遠道終難寄馨香徒
自饒

和晉安王詠燕

簡文有雙燕詩樂府題云雙燕離

可憐幕上燕差池弄羽衣夜夜同巢宿朝朝相對
飛銜泥瞻樂善相賀奉英徽秋蟬行寂寞戀此未
辭歸

詠胡牀應教

傳名乃外域入用信中京足欹形已正文斜體自
平臨堂對遠客命旅誓初征何如淄館下淹畱奉
盛明

暮遊山水應令賦得磧字

詩經 卷之十七 十七
餘春屬清夜西園恣遊歷入逕轉金輿開橋通畫
鷁細藤初上援新流漸涵積雲峰沒城柳電影開
巖壁疑闕

奉和湘東王應令二首

春宵

征人別來久年芳復臨牖燭下夜縫衣春寒偏著
手願及歸飛鴈因書寄高柳

冬曉

隣雞聲已傳愁人竟不眠月光侵曙後霜明落曉

前縈鬟起照鏡誰忍插花鈿

詠簷燕

雙燕集蘭閨雙飛高復低向戶疑新箔登巢識故
泥依欄本相賀近幕願同棲

奉和便省餘秋

以下三首
文疑闕

前對金精坂傍臨圓水池照影礙浮葉看山通迥
枝鴈行連霧盡雨足帶雲移

被使從渡江

八陣引佳兵三河總艫舳絳天揚遠旆雷野驅長

言
卷之十一
十八
轂夜劍動星芒秋潮驚箭服

登城北望

誓師屠六郡登城望九巖山沈黃霧裏地盡黑雲
中霜戈曜壠日哀笳斷塞風

道館

仙人白鹿上隱士潛溪邊試取西山藥來觀東海
田

賦得轉歌扇

團紗映似月蟬翼望如空迴持掩曲態轉作送聲

風

詠舞

飛鳧袖始拂啼鳥曲未終聊因斷續唱試託往還

風

詠舞曲應令

歌聲臨畫閣舞袖出芳林石城定若遠前谿應幾
淡

詠主人少姬應教

故年齊總角今春半上頭那知夫婿好能降使君

畱

詠長信宮中草

委翠似知節含芳如有情全由履迹少併欲上階生

石崇金谷妓

蘭堂上客至綺席清絃撫自作明君辭還教綠珠舞

遠看放火

風前細塵起月裏黑煙生發燄看喬木侵光識遠

城

舟中寒望

日暮敞鳧舟曾冰合駛流雪照齊君履寒入楚王裘

石橋

簡文有作

秦王金作柱漢帝玉為欄仙人飛往易道士出歸難

詠桂

新叢入望苑舊榦別層城倩視今移處何如月裏

生

賦得池萍

風翻乍青紫浪起時踈密本欲嘆無根還驚能有實

新苔

隨潮染岸石逐沫聚浮查徒令阿谷麗停筐不汰

沙

被執作詩一首

見太平御覽

三國典畧曰宋子仙破會稽購得肩吾謂之曰昔聞汝能詩今可作若能當貫

汝命肩吾操筆立成子仙乃釋之

髮與年俱暮愁將罪共深聊持轉風燭暫映廣陵

琴

三日侍宴詠曲水中燭影

七言

重燄垂花比芳樹風吹水動俱難住春枝拂岸影上來還杯繞客光中度

附曲水聯句

春色明上巳桃花落繞溝波迴卮不進綸下鈎時留臣絳水時迴岸花觴轉更周陳肴渡玉俎垂餌

詩已

卷之十七

梁

下銀鈎

王臺卿

迴川入帳殿列俎間芳洲漢艾凌波

出江楓拂岸遊

庾肩吾

王生迴水碓蔡姬蕩輕舟岸

燭斜臨水波光上映樓

下殿

八關齋夜賦四城門更作四首

殿下即簡文時為皇太子中庶府君謂肩吾為太子中庶子

第一賦韻東城門病

伏枕愛危光痾纏生易折無因雪岸草慮反砒山

穴徐防消渴腴腸腑疼蹇嬰肢節如何促齡內憂苦

無暫缺

孔熹

南城門老

虛蕉誠易犯危藤復將嚙一隨柯已微當年信長

訣

諸葛嶝

已同白駒去復類紅花熱妍容一旦罷孤

燈行自設

君

西城門歎

綏心雖殊用滅景寧優劣一隨業風盡終歸虛妄

設

王臺卿

五陰誠為假六趣寧有截零落竟同歸憂

思空相結

李鏡遠

北城門沙門

俗幻生影空憂繞心塵瞋於茲排四纏去矣求三

涅下殿下學輩畱心方從窈冥別已悲境相空復作

泡雲滅中庶府君

第二賦韻東城門病

空痾誠易愈有病故難痊徒知餌五色終當悲九

泉王臺卿已無雲山草沈痼竟誰憐復悲淪苦海何

由果淨天諸葛

南城門老

昔類紅蓮草自玩綠池邊今如白華樹還悲明鏡

前下殿壯心欲何在餘日乃西遷

復樂蓬鬢

豈還妍除防

西城門歿

高堂信逆旅懷業理常牽玉匣方委櫬金臺不復

延中庶府君挽聲隨逕遠蘿影帶松懸詎能畱十念唯

應逐四緣君

北城門沙門

經行林樹下求道志能堅既有神通力振錫遠乘

煙李鏡遠一登四弘誓至道莫能先不貪曠劫壽無

詩經
卷之十七
論延促年

孔熹

第三東城門病

纏痾緬百年自傷無五福長縈畫篋蛇不值仙人

鹿

殿下

習染迷畫瓶臥起求棲宿羅襦豈再歡臨岐

方土木

中庶府君

南城門老

少年愛紈綺衰暮慙羅縠徒傷歲冉冉陳詩非郁

郁

玉臺卿

鶴髮辭軒冕鮐背烹葵菽松栢稍相依權

愛時睦睦

李鏡遠

西城門歺

追念平生時遨遊上苑囿一沒松栢下春光徙儵

昱

孔熹

結根素因假枝葉緣骨肉自應螻蟻驅值此

風刀逐

諸葛嶢

北城門沙門

俗繭厭纏絲因田抽善穀長披忍辱鎧去此織羅

服

防除

願引三塗衆俱令十使伏珠月猶沈首金錀

未挑目

君

第四東城門病

紫紉未可得漳濱徒再離一逢犬馬病賁育罷驅

馳李鏡遠已無九轉術復闕萬金竒不看授疆掌唯

夢蓮花池君

南城門老

盛年歌吹日顧步惜容儀一朝衰朽至星星白髮

垂孔熹已傷萬事盡復念九門枝垂軒意何在獨坐

鏡如斯中庶府君

西城門歿

一息於今罷平生詎可規天長曉露促千齡誰復

知殿華堂一相捨松帳杳難窺萬祀藏珠應千年

罷玉羈徐防

北城門沙門

溪心不可染正道亦難敵方除五欲累長辭三雅

卮王臺卿依空慮難靜習善路猶弛沒身竟靡託單

孟詎待貲諸葛

詩紀卷之八十終

圖

